

黃岡縣志卷之十二

知黃岡縣事合肥戴昌言編輯

人物志

孝友 五世同堂 百歲翁 割股附

聖朝以孝弟治天下其效抑何神也今觀蒸庶之家恆有內外雍穆秩如藹如雖江州義門何以遠過宜乎風俗樸茂物阜民康多登大耋享遐齡者作

熙朝之瑞也至於親抱沈疴割股和藥以進事雖不經心則甚苦非夫溷濡

聖化孝弟性成者又烏克有是哉凡諸懿美俱荷恩裒故以類附焉

宋

黃岡縣志 卷之十二 孝友

一

董陽西陽縣人三世同居外無異門內無異烟南豫州刺史舉以聞詔榜門曰篤行董氏之間蠲一門租布

董陽五世同財為鄉邑所美與南史稍異並存備考

元

林鳳陽事母孝宅失火獨負母出家貲盡棄不顧有過客憐之遺以金謝不受治春秋不第奉母屏跡林泉吟咏自適

明

王文奎字時曜父思旻別有傳文奎性篤孝髫齡時連失怙恃鞠於庶母李氏奎恨弗逮養事李如母奉諸兄恭撫諸猶子與已出無異性好施予歲積粟數千斛以貸族鄰年豐減息年凶則並棄之又置祀產備春秋展墓需其餘懿德芳徽難更僕數戶部尙書安陸孫公額其堂曰孝友李東陽有孝友

堂詩序子濟字體民宏治壬戌進士累遷吏部驗封郎中母歿廬墓側服闋就官戇直多所建明遷河南參政聞父疾三疏乞歸養不解帶者四年父卒哀號盡禮正德中旌表尋起四川參政不就家居明農課士置義田義館以贍族生平好經術能文章介立有特操不輕假人顏色敝裘羸馬絕跡城市鄉人敬畏之卒祀鄉賢子廷儒廷陳廷瞻俱有傳

李文仕性至孝兄某被誣繫獄文仕代赴理死杖下

周曰昂字民翹生而篤孝親卒哀毀廬墓側苦塊三年有白鳩巢其側有司以聞旌其閭

高澄字汝清讀書行義里中貧者周遺不倦大父暴疾刺血籲天請代疾愈大母年五十目雙瞽澄日以舌舐之不飲酒茹葷入內者二十年大母目復明事父母飲食必嘗而後進父

黃岡縣志

卷之十二

孝友

二

疾枕有百金欲畀季子澄令弟澣枕而佯外出父卒哀毀骨立廬墓三年人以其所居稱南城公

依省志增敘

劉承芳字世美少穎悟善屬文舉止冲雅父母早卒哀毀骨立事繼祖母以孝稱仲父幼孤奉事罔懈撫從弟稱友愛以歲貢授同安司訓卒祀鄉賢

唐治以掾授冠帶馴謹退讓若儒者鄰家火發舉室奔避父柩在堂抱而哭曰吾何生爲一時左右數百家俱燬柩堂獨存治竟薰炙伏柩死萬曆十二年詔建坊旌之見明史坊後圯康熙間知縣鍾葦修復

聶一正儒士有孝行舊志稱其久入憲綱待旌

陳常智性孝友兄常仁嘉靖間遇變坐戍常智曰予有子兄未有出詣戍所請代同戍者白其事尹義之兄得釋代戍一年

卒事聞乃歸葬焉

詹景麟號南山子事父母能色養父母卒廬墓蕭山下攀樹號泣行道傷之批閱書史窮年著述時稱楚黃博洽者必首推之年三十餘卒

官如皋字直鄉諸生事親以孝聞家貧力學以誠恕自勵或面折人過久之人以爲愛我也學者多師之稱曰古愚先生祀鄉賢子應震有傳

王廷槐字稚占麟子嘉靖戊子舉人麟早卒終身泣慕事母孝養備至視身澡潔重名義嗜讀書不治家人產而佐人緩急廣收道殣瘞之歲以爲常子同道貴贈御史祀鄉賢

樊鼎遇一名維藩字長卿府志作命夫由選貢授德陽知縣有善政

先是父玉衡請建儲得罪謫戍雷陽鼎遇憂慕十餘年思一

黃岡縣志

卷之十二

孝友

三

救父不可得至是以考績例得封引邵康生事願停已封代父戍疏再上不報遂去官悲鬱成疾身如琉璃澈見五內遂卒祀鄉賢

易道昌道曰道暹兄弟友愛特至道昌善飲兩弟則勺飲不入口且暹每侍兄飲未嘗不極其量凡有事三人坐議怡怡然也如弟外出兄代主行弟歸直仍之不復置問婢僕雖有分主而無分權役使隨其所便有過徑扑責之不以相告三人無日不促膝坐談內助俱化爲一德不分彼此有無兄或有疾弟終夜坐牀側視藥不倦弟病兄亦如之道昌字文我道曰道暹別有傳

劉淪諸生父歿廬墓三年晨昏號泣不絕萬曆二十一年旌表

王達尊呂陽城

府志作女王城

農民母病衣不解帶者三年家雖貧隨

母所嗜必力致之母失明以舌舐之求愈及卒廬墓盡哀  
易道坦府志字瞻明道暹兒童時父豫之病篤禱於祖割左股  
以進尋愈性淡泊修身立行老而彌篤鄉里稱之

嚴倫明諸生事親誠孝親歿友愛諸昆多所推讓年逾七十始  
舉二子長璞嘉靖戊午舉人次珣辛酉舉人孫師範崇禎辛  
未進士

黃孝子逸其名淋頭販人事母孝明末當事給衣巾旌之人稱  
爲黃孝子

倪士觀諸生母劉氏苦節士觀純孝萬厯時母子俱旌  
張岐鳳諸生至性純篤事父靜湖母袁色養如嬰兒旣喪廬墓  
六載曉夕哀號行人聞其聲莫不悲之御史某與之官湖以  
旌其孝嘗有羣虎入其徑岐鳳不爲動虎亦帖焉再宿而去

黃岡縣志

卷之十二

孝友

四

山下忽出一泉衝突嗚嗚然與號泣聲相應里人異之因稱  
爲號泉先生欲上其事固辭乃止士大夫多爲詩歌傳之裔  
孫一斑拔貢官教諭

蕭繼元字伯陽父文憲爲酷吏所斃與弟繼芄伏闕鳴冤上書  
不省酷吏疑其從弟繼忠爲翼復誣以盜榜笞且死繼元曰  
事急矣我獨任之遂懷狀叩閤自到事聞下撫按問狀乃抵

酷吏罪出繼忠於獄繼芄天啟甲子舉於鄉

見三省  
文獻錄

汪世極舉人父之渙卒於臨清舟次世極聞訃觸地幾死扶棺  
歸廬墓三年後歲凶賑饑全活數千人由保舉授通城教諭  
卒祀鄉賢子煉南別有傳

汪世植字晉卿文淵孫五歲父之沔歿生母范氏苦節撫之六  
十餘年癸未獻賊破團風洲母年九十不能行植負母逃避

已爲賊執欲挾之去不從遂遇害弟世柱字石卿亦篤孝友  
工文章

王崇擢字平衡三歲父歿奉母李氏盡孝爲人長厚謹飭童稚  
皆親之晚與其妻同享大耋兩受封典孫澤宏請告終養人  
以爲榮卒祀鄉賢

王同觀字養所廷瞻幼子年十三父臨歿摩頂謂之曰亢吾宗  
者必此子也事母董氏盡孝與兄同鼎友愛無閒教十子皆  
以文行顯長追駿進士由戶部郎出爲真定知府有撫字鎮  
禦之功追騏追騏別有傳

胡心明性至孝母病篤禱於神願以身代弟心孝復割股病尋  
愈心明多隱德鄉里稱曰善人

徐斐諸生獻賊陷城勒其母爲爨不屈將殺之斐願以身代不

黃岡縣志

卷之十二

孝友

五

許母遇害斐遂大罵至割四肢耳鼻罵猶不絕口

徐之卿諸生祖榮父言累世積善之卿事父母以孝聞父歿哀  
毀幾死癸未賊陷黃人皆驚散之卿獨衰服護母棺賊憐其  
孝釋之子逢吉三歲失母友愛繼母弟年三十喪妻不再娶  
壽八十餘

王自誠字雲所團風市民也母病篤自誠爲嘗糞及卒痛哭死  
竟日乃甦縣令嘉其孝年九十三卒子田見亦以孝稱

祝邦勝字敬甫父尙仁多病邦勝日夜扶持逾久不懈病篤爲  
嘗糞驗吉凶一時稱爲孝子崇禎六年知府許文岐知縣吳

允初皆給牌褒之

依王志  
增敘

張鳳來字文字少孤祖母楊苦節教之以純孝聞一門五世同  
爨性坦易周急如不及嘗遠遊旅次遇賊資斧盡喪獨友人

所寄百餘金猶存及還封識宛然又嘗拾道遺二百餘金還其主生平義舉多類此有司旌其門曰長者里崇祀鄉賢子本忠本恕別有傳

易爲瑚字伯賜道暹長子諸生有文名暹死賊時瑚奉母走青峯巖團練鄉勇誓殺賊報仇里人倚以生活者六七年後卒爲賊所殺詳明史

見道暹傳

學使洪天擢以父忠子孝匾旌之

何昌祚字子安明季選貢父閤中見宦蹟傳昌祚砥礪名行博學深於易事祖父直以孝稱時閤中官蜀道梗故昌祚養於家母余歿昌祚奔喪自蜀歸行峽中每值險抱棺號泣與弟昌祿友愛無閒居鄉恂恂重交誼賑荒瘞幣郡邑爲立善人碑嘗避亂樊湖遇盜劫其鄰見火光中羣盜呼曰無驚何善人後僑居江南之童山

黃岡縣志

卷之十二

孝友

六

陳四維字孟達性孝友明季諸生家多藏書招延貧士兼有謀畧流寇掠蘄黃四維集義勇全活數百人巡按御史汪承詔優其文行請祀鄉賢

程詹父母卒每值日暮向殯側坐守之寒暑無閒者七年事其兄伯仲甚謹兄怒輒跪謝非色解不敢去善屬文課子有家規以子啟洙貴贈中憲大夫

方紹正字汝士父母早卒哀毀盡禮田廬美者推讓諸弟見人急難輒捐貲救之晚以岐黃濟人以詩禮孝義教其家

陶克孝字移士穎悟好學弱冠補諸生有文名流賊之亂所過殺掠居民奔散克孝以母病不能行乃擁土塞戶依依守母側賊至擾閭里無或免者獨及克孝戶而返人謂孝之報云同時昆季多以文著克俊字堯叟崇禎己卯舉人篤學力行

爲時所稱弟作聖研究宋儒書以著述終

國朝

曹亮采字浚明性孝隨父遇賊請以身代賊感其孝釋之年十二補諸生順治乙未以歲薦授桂東訓導講學論文士風大振子衍諸生有學行孫夏銑舉人

張愈奎字雲衢父母年俱九十餘奎曲盡孝養後亦及九旬思親輒泣下里中有爭者每出一言解之皆爲心服子仲經舉人藥城知縣

王躬俊諸生少事父母以孝稱兄弟五人三世同爨立義學延名師訓鄉人子弟成就甚眾時東山未靖俊糾集鄉勇籌糧餉贊方畧寇平當事者議保薦力辭不受年八十餘手不釋卷卒祀鄉賢子風采孫全才俱別有傳

黃岡縣志

卷之十二

孝友

七

劉思敬父病劇日夜侍奉手捧污穢三年衣不解帶蝨如蝟弗覺也父卒旣殯號泣氣絕而歿

此與割股者別一人

張本忠字淇思穎敏好學嘗從名儒張溥游溥亟稱之性至孝明季廬父墓側流賊至將拙其墓冒死捍護身受數刃哀切彌至賊釋之家貲讓諸弟日食豆粥晏如也巡按郜炳元嘗旌以詩順治甲午舉於鄉官江陵教諭愨誠樸直一時稱爲長者子光璧別有傳

易爲泰字開子諸生事親孝父士龍明季知大昌縣值寇至爲泰身冒矢石以火攻退賊後告歸值獻賊破武昌流屍蔽江而下爲泰斂之爲叢塚凡七十餘骸時兵警又家僅中人產舊時田宅皆讓於昆季撫諸孤從子如已出見路人貧乏者輒謀助之家白雲山羣盜過其里呼曰小人受恩多無敢犯

也康熙二十五年夏逢龍之叛逃入白雲山泰與陳緯縛之以獻事遂平年八十三卒子四皆賢季天壽經魁教授漢陽有文行

殷恭然字叔敬兄弟五人以友愛悅其親力學不倦輯孝友諸書爲家法其弟卒於湖南時亂離道梗恭然冒死歸其櫬年七十一卒囊無長物惟家訓格言手授後人而已子士智諸生

徐光林字雲參親老家貧甚每食進甘旨必審所宜及沒哀毀骨立廬墓三載康熙己酉舉於鄉由新化教諭遷寶慶教授齊東知縣所至除蠹弊申倫誼士民懷之

余良銓字衡臣諸生性孝友年十七事母晨昏左右依戀如孩提家貧力致甘旨以奉執喪哀毀撫從子以慈義聞年八十

黃岡縣志

卷之十二

孝友

八

餘卒

羅經邦字五玉諸生性至孝居父喪哀毀盡禮事母婉順頃刻不離年六十餘病劇猶強起言笑慰其母比卒家人議以母棺斂經邦忽起怒視易他棺乃瞑

王道彰字誠思幼孤性篤孝友嗜學博聞尤精易義年十九補弟子員刻志下帷人罕覩其面值戊辰夏逆之亂邑人奔散獨負其母走數百里匿於白雲山爲人方嚴言行皆宗先正重然諾好施與其自處布衣蔬食淡如也

曹本英字卓湄諸生以孝聞年二十母柩在堂鄰火及於門急不能徙本英撫棺而哭有老僕曹太濡絮入欲覆之出本英哭不應僕亦哭忽風回火滅俱得免時環居百餘家無存者獨柩室如故人以爲孝感



易康時字北司少孤事母孝勤學窮理謹言行以養母志比壯有子妻亡遂不娶親執爨澣者二十餘年或勸之曰祭薦異視恐以此重傷母心也門人王道明爲序其一門節孝之事龍仁彰東弦鄉民與弟在旂方耕有虎驟至攫弟踞之仁彰奮杖擊虎虎傷躍而去在旂得不死爪裂遍體醫者曰以屋茅蟲口嚼敷患處仁彰自嚼敷之果愈

曹大聲字子先諸生父之彊寢疾不能起甲辰冬火發門扉皆蒸急和衾挾父走風焱卒不可出稽首呼天稍反風解衣蒙父犯火突出越二日父卒大聲舉體焦爛撫枕捨泣目皆盡血越四日死雍正七年建坊

府志

許顯字諧水與從弟顥勵學爲名諸生母羅病風痺顯扶持十餘年不離床褥母涕泣痂生於面顯常以舌吮之喪後以授

黃岡縣志

卷之十二

孝友

九

徒終老得資輒分給兄弟無所私顥亦友愛撫孤姪如己子萬爲境字其容諸生性仁孝母蔡苦節撫之境事母盡禮博通經史尤精宋五子書力闢左道成就後學康熙癸酉歲祿倡助社倉賑濟流亡遠近賴之年七十餘卒崇祀鄉賢子三立勳廩生禮祖進士安徽太平知縣儀祖監生

鍾璠字弁生性孝友持家有法四世同居爨者八十餘人循禮推愛鄉黨重之子孫曾元入庠序列成均者十餘人孫英別有傳

鄧一隆字瑞林家世孝友一隆恭謹勤儉歲時集族男女序世次會講規訓立功過簿以寓勸懲子弟誦讀至年二十度能學乃令終業否則使食其力婦女以黎明集治女工財物悉貯公所推一人掌其出入服食無私年老及有疾者別養之

八世同居內外和睦無閒雍正元年 旌表

鄧之璧一隆從子事親孝父病嘗穢焚香誠禱父立愈居喪哀毀水漿不入口或強之遂成噎未幾卒雍正元年 旌表

呂希煜字孟陽諸生父尙和人稱長者爲清豐知縣剔弊惠民有能聲希煜性至孝隨父任值母喪哀毀骨立扶櫬徒步行三千里哀感路人後值父喪盜夜入其室索財帛無所得煜身衛父棺被傷死雍正八年 旌表

黃漢隆諸生事親孝膂力過人父客死河南漢隆徒步奔喪路遠且貧勢不能歸乃以布裹屍盛以大囊緘以藤挺直如長襍負之而走夜則露坐守之越二千餘里及歸葬大哭嘔血死乾隆五年 旌表

胡紹虞字希舜少孤性至孝母病輒晝夜哀涕不食勤湯藥衣

黃岡縣志

卷之十二

孝友

十

不解帶者二年母卒嘔血幾殆廬墓盡哀後授生徒諳諳以孝友爲本子蓋凡舉人沔陽學正累官海防同知

雷希聖字育萬諸生父飛僊卒於湖南聞訃往奔會其妻病劇親隣皆勸緩行終不顧家窘無行資沿途哀號所過州縣感其誠皆助之乃歸葬焉年八十餘卒

胡必元字次之事母黃盡孝母素患咳每病輒晝夜不離側晚年患疽曲致藥餌與其妻同吮之遂愈及沒涕泣目幾盲殯於庭遇火伏棺號泣不忍去族鄰救棺出始免子兆桂貢生張世俊字怙瞻性純篤與諸弟相友愛治家嚴肅有法率家人耕織諸器具皆自爲之不假市購弟世良以次稟命而行世俊沒仍守其法四世同居男婦數十外內各一人掌之歲時客至咸稱其宜訓子孫以敦行篤學爲本世俊子鳳鳴舉人

官知府別有傳

邱世總字選士諸生性孝友父勃敦行力學雖盛暑必衣冠嚴冬夜吟不懈世總竭力奉養極得歡心與弟相友愛家有田產悉付於弟教授生徒必先孝弟一時名士多出其門子恩榮進士官知府別有傳

袁豐字來章康熙癸酉舉人性孝友方七歲時兄亮外出不知何向父母思不已豐慰曰兒稍長必尋兄歸越數年豐乃徒步遠遊無可尋者久之至豫之商城過村舍見門顏數字似其兄問之果得兄遂與俱歸豐著述甚富教授生徒多所成就

汪度宏字擴如康熙丙戌進士事祖母以孝聞兄沒姊寡子女無依度宏撫之爲畢婚嫁祖姑適陳亦寡歸養三十年無懈

黃岡縣志

卷之十二

孝友

十一

色舅沒子女幼亦爲撫養而婚嫁之官保昌知縣有惠聲及歸猶寒素也

葉兆東字位春監生少孤事母孝母病數年侍養無懈及沒廬墓五載遇風雨輒號泣不已

馬鞍山丐者不知其姓名日出乞食必載酒肉慰其母自茹腐且無食然歸則常有喜色傭於人或以簞食貽其母輒喜否則強之不至母老疾常負而遊母亦樂而忘其貧雍正五年里有疫其鄰人死經宿而甦曰吾聞冥官哀孝子母老使歸於是見羣從喧送孝子則東鄰丐者也是時丐者病方甦後果終孝養云

朱澤遠字京蒙父昌運舉人官石首教諭澤遠年未弱冠以七藝補弟子員性純孝先隨父任旋因歸里省墓父無疾終聞

訃奔喪哀毀骨立後登雍正己酉賢書子維辟廩生維倬監生寵錫嶧縣聞官

陳大年字士登增生本姓朱明衛千戶寵曾孫父以大年教讀自贍有屯產欲予繼出子大有大年先意承志併歸之大有少負異才忽中折屯產無存者大年以積脩贖回寡妻幼子賴以存活且教其孤霞普霞光皆能文霞遠登賢書大年子霞燦庠生龍增生霞蕙武庠生

張從龍字聯奎以字行性篤孝親沒每家奠侍側款語如生前忌日必變服以泣父次仁詒謀忠厚龍體父志推惠里黨初無德色子青選孫應瑞俱諸生履恆進士別有傳

杜承仕勤儉孝弟其先人咸亨七世同居析爨時八十三人承仕恪遵遺教子德隆割股療母余氏疾孫希美割股療叔父

黃岡縣志

卷之十二

孝友

三

德純疾曾孫輔元割股療伯母余氏疾元孫維學輩皆克敦孝義家政嚴肅男女無惰游者又復五世同居凡六十餘人孫世禎諸生天性誠樸事父母以孝聞叔父念綱早逝遺妻邱及二子禎事邱如已母待二孤如同胞邱以是獲安守節伯兄世周亦早亡遺二孤禎爲教養成立後叔父二子皆中折有遺孤禎鞠育如前

劉本讓廩生章第五子年十五父病躬侍湯藥靜夜焚香求以身代及沒殯斂如禮旣葬廬墓三載母沒亦然忌日涕泣交下年八十猶如嬰兒嘉慶六年

贈奉直大夫其子孫曾元近百人科貢衣冠一時稱盛

嚴文遠康熙間仲兄適黃安路遇賊劫遠赴寨泣求自代受重傷不避賊感動兄獲免

姜師尙吏員待兄弟最友愛弟士泰讀書師尙承父命多所推讓以成就之卒年八十餘子周亦考職吏員孫維寰維寬貢生維寅監生

嚴文斌增生文乾貢生事母俱以孝聞晨昏定省如禮母沒殯葬畢兩人足不出第闕者三年斌子承伊承皋承玉俱諸生左飛鳴字雲衢增生少師事秦能泗善屬文父因公累逮獄飛鳴倉皇隨往乞代獄卒呵之倚狴戶哭竟日勺飲不入口卒感動誓許將護其父扶之出未數武慟絕於地卒大驚復扶入見父乃撫銀鐙大號同繫者皆泣下獄官聞而憐之脫其父械未幾父病縣卒允其代飛鳴在獄日搆文一篇思如泉湧若有神助月餘縣官捉比飛鳴懣情泣訴不激不悚宰察其貌曰孝子也奇士也釋之旋以冠軍入庠父嬰沈疴服勤

黃岡縣志

卷之十一

孝友

三

勞瘁歷數十年不懈戚友憂其貧難備養餽遺不絕飛鳴曰友生錫類之仁我不敢違平生借助止此年六十九卒

沈啟洛字冠山廩生父太占輕財重義洛事親以孝聞慷慨交遊亦有父風

周漢德貢生弟漢興家金雞山側里人皆稱其孝友興五齡母患目疾倚懷舐以舌經月愈父病興私禱於神割股救瘳迨父母先後亡哀毀廬墓六年始歸德感弟割股事因彙古之敦孝者爲孝行錄昆季五人怡怡終身興卒年七十三猶號父母數聲而歿德子逢烈庠生

嚴文凱字維野少失怙恃事兄嫂惟謹愛弟備至兄久客揚州凱年十四步走尋歸初因貧析爨後業漸裕請合之年八十二卒子承錦承洛孫家璧恭皆諸生家珩舉人

萬廷奎壽祖子性孝友敦節義好博涉爲王耘渠高足弟子弟  
廷璧廷翼皆承其教成孝廉子希良恩貢生

胡宗返庶安鄉人父士才先歿宗返事母唐盡孝養母疾篤割  
股以進初貧困不妄取中歲服賈漸饒歲饑鬻米貸里人遇  
遠客多所推解易贖時惟屬子孫孝友配徐氏稱偕老享年  
百有一歲生五子啟華文盛文學文炳文郁皆承父志文學  
文炳於父病危時禱神割股不謀而同文學子歿聘媳徐女  
來守貞文學病徐女亦割股療舅其事三世凡四見道光八  
年宗返長孫廷瑞年逾六十曾元輩百餘人五世共爨大憲  
以聞奉

旨建坊

旌曰孝義之門孫玉森戊寅舉於鄉會孫飛雄辛巳舉孝  
廉方正元孫錫渠廩生錫察祖植庠生

黃岡縣志

卷之十一 孝友

十四

張錦明七歲失恃有弟一父繼娶李生二子異視前子虐以苦  
難事明勗弟使無懟妻李氏亦體夫志父卒諸弟析居繼母  
養每缺明事之如初常病危明禱神割股以進母病痊遂感  
悔諸弟貧困明猶竭力資助卒年八十二子世福貢生孫昌  
佩州同昌侖布理問

萬希中與弟希和鶚諸生家居養親一室雍如也父年八十餘  
常患癰日夜輪流吮洗不假他手執喪廬墓三年同讀禮屏  
外事兩弟卒營兆令寬願兄弟三人生死不離云

賀鵬翥諸生天性篤厚朝夕依親側婉孌如嬰兒撫諸弟友愛  
在館爨澣必親生徒或止之曰吾諸弟任勞忍獨逸耶妹適  
余氏早寡鵬翥存恤備至清節如冰得兄教者居多

張偉度太學生事親孝常質漢鎮以供甘旨父召之卽歸風烈

度江舟幾覆或咎之曰父命可艱險遲耶叔母李久異居仍奉養無缺羣從弟兄無歧視焉

王朝仁下伍重鄉人父早喪兄遷他邑母戚氏瞽仁傭工奉養甘旨不缺每應人役早午必歸備再食之需母病仁割股救瘳後母歿居喪衰經不去身

周鳴鳳字二于歲貢生忠烈公從元孫曾祖始由陽邏遷郡城家漸落父常遠賀鳴鳳刻厲讀書奉母教至虔晚年游庠食餼教讀垂五十年一以敦品勵學爲先務子慕昌字世五事父以孝稱家貧績學文藝悉寢饋大家終不遇孫繩祖母早逝從父受讀補博士弟子員年未三十卒

錢周德號蘭臺乾隆戊申舉人例選中書性篤孝母早卒繼母異視之悉忍受奉事惟謹母後感悟

黃岡縣志

卷之十二

孝友

五

杜炎明副貢濬姪孫也性誠篤事母周以孝聞友愛兄弟家有湖分悉讓於姪鄉鄰義之卒年七十四

李學珠蘆洲鄉人乾隆三十二年大水珠攜已子並兒子乘船遭大風勢不能兩全珠乃棄子保姪以全兒祀

於正淳字魯彌歲貢生明通政倫之裔也游鄉前輩朱日濬門孝弟端方家教最嚴子萬承事父色養母早卒每日暮必往省墓凡十餘年年七十八先父卒萬承次子長源乾隆庚辰舉人母病三載躬侍湯藥母沒水漿不入口瀕死者四遂病噎啜粥以生後任宣恩學博聞兄病解組歸長源次子象模廩生親卒亦三載守殯側先是長源病疽子象椿日吮以口卒不起椿時年二十九廬墓數載嘔血卒

汪應蛟廩生性孝友父開運增生病革時應蛟請將腴產給兩

弟已得瘠產父大喜父歿蛟獨養母母歿鬻產以葬子兆木諸生

龍逢春事親孝至老不怠父母年逾九十春年已七十父病痿七年湯藥飲食盥溺皆親執役母病亦然及歿廬墓三載胡文崎事繼母李孝李年九十風痺不能起崎晨夕將護閱四年母歿廬墓三載兄無嗣以其長子繼卒年七十子世理監生世法從九品孝友均如其父孫必楠舉人必杞必本必槐必楨俱貢生必本別有傳

徐世澤孝友性成髫齡時父客遠方絕音耗者十餘年世澤言之輒涕泣家貧母老囑兄奉母澤行丐至蜀年餘得見父巖冬扶父歸風雪中艱險自如歸後奉養罔缺以勞瘁卒

萬鳳彩監生性孝友父早逝事母婉順同胞弟女弟共八人友

黃岡縣志

卷之十二

孝友

六

愛備至筦家政四十餘年尺布斗粟無私孫裕臨貢生別有傳

王廣文監生性至孝父病躬奉湯藥衣不解帶者六閱月子正澁監生亦孝友居父喪哀毀骨立克盡禮制事母病亦如事父同里有雍姓童婚構訟斷離不得直澁捐百金訴其冤離者復合

商一治字泰然事親至孝年五十母黃氏病癯素不飲樂跪以進拒益甚因齋禱於華陀神日三次母病尋愈享壽九十有

二

夏傳鼎增生父歿居喪三年足不出戶子啟連啟達啟迴俱庠生

靖克純性孝友父歿結廬守墓母壽登九旬得危疾純祝天請



代疾輒愈乾隆元年舉孝廉方正子本荃廷景本茂振揚俱諸生

謝志煌宦蹟傳加恩裔孫性孝友母早歿父方楚廩生晚年病風手足拘攣興居飲食皆與兄庠生志烈扶抱哺食之溺器身廁踰躬親滌洗十五年如一日

萬希科乾隆丁酉拔貢登庚子賢書官荊州教授性篤孝力學不輟與伯兄希良仲兄希成一門相師友至老不衰在省聞仲兄訃刻卽馳歸後報最保知縣辭不就尋以病歸

姜聞韜遺腹生總角時奉父柩歸窆雨不克葬伏柩側號泣竟日事母善承歡鄉里多稱之子玉成布經歷玉鳴篤行知醫玉衡縣丞若熊郡庠生母汪病篤熊嘗糞醫云難救竟得痊奉養又二十年人以為孝感云子炳芳邑庠生績學早逝玉

黃岡縣志

卷之十一

孝友

七

鳴子炳文舉人殉難有襲

齊禮廩生少孤貧事母極孝家居授徒不忍須臾違色笑有遠道豐脩聘延者力謝之年五十後問衣燠寒無怠意母年九十卒哀毀如孺子焉

熊世瀆邑增生事親以孝稱父歿大母高年事之尤謹與弟世瀚共貲財孫曾輩守其遺訓不忘

謝志烜歲貢生惠元孫至性惇篤事祖父母曲全孝道母氏靖嘗割股療舅疾烜心痛之終身不忍言家中落藉授徒脩脯以供甘旨至老弗倦卒年八十六子莢舉人安徽知縣加知州銜孫清臣雁臣安徽府經歷

方念宗從九品性純篤事親孝居喪哀毀盡禮與諸兄相友愛晚濟人以岐黃術子二長同春嫡出次鏞優貢生同春亦以

孝稱鏞幼喪母春視之如同胞與妻黃氏撫之成立黃氏卒年八十五鏞應中丞胡文忠聘襄理善後事保舉鹽提舉孫泗魁監生軍功六品藍翎廷恩庠生廷鈺舉人曾孫雲山從九品藍翎

謝鴻恩性仁厚父患痰疾臥床不起恩日夜哺授飲食扶持寢興溲便手爲掬滌凡十一年父卒哀毀如禮築室墓旁暮夜號泣哀動路人乾隆元年旌表建坊

陶之龍監生少事親以孝聞親歿枕塊廬墓真誠罔懈時大父尚在飲食醫藥必躬經理撫弱弟成立子行簡占魁俱武庠姪欽由郡庠議敘衛千總開甲武進士官提塘

熊文綱諸生性至孝事父母曲意承歡兄早亡視諸姪如已出教之成立田產腴者悉讓之嘉慶戊午

黃岡縣志

卷之十一

孝友

六

恩賜副榜卒年九十三次子象升諸生

范綸性孝友父病劇綸泣禱於東嶽神願減已算以增父算病果愈閱十年父沒結廬墓側終三年喪與兩弟共財子孫遵行三世不怠綸壽九十無疾卒

熊遠道監生弟遠明母所鍾愛早沒遺孤二道飲食教誨曲體母志母患痿朝夕扶持污垢皆親滌除年七十卒

張朝棟馬家潭農民父某客死鄖西棟行乞至鄖得瘞所備於鄖三年以傭貲作扶櫬費旅店每不納宿依櫬野棲悽愴達旦卒歸父骨里人助葬之

楊有山年二十與母霍氏弟玉麟福蔭渡鮑湖大風覆舟有山援舟起不見母弟入水求之不得大哭復入遂不起後得屍猶以一手挽母

陳珽事親孝親沒泣慕無閒從父士俊無子珽承順如事父沒後喪葬盡禮

洪志鵬監生性謹篤事父母與繼母克孝及壯綜理家政內外百餘人無閒言析箸均財絲毫不苟年六十偕季弟築室居一舉室和順生平敦信義好推解無疾言遠色子恩治縣丞曾輝彩監生兄弟七人同財共爨食指至五六百和睦無閒姪

孫鵬進士官知縣

雍紹先農民也性摯孝父母老婉順如孺子時與兄弟友愛

胡其蔚家貧授徒以養母病篤割股救之獲瘳登嘉慶庚午賢書咸以爲孝報云

童守和太學生孝事寡母與兄弟相友愛中歲分爨田廬美者推讓弟兄其子弟亦皆敦睦云

黃岡縣志

卷之十一

孝友

九

周際元家貧苦事繼母史竭力供甘旨妻邵亦賢孝忍飢餒而奉養罔缺

萬鼎芬副榜性孝友逮事大母隨父母後奉起居惟謹與二兄敦手足誼子家福亦孝友弱冠成進士入詞館假歸省親執父喪盡哀成疾時母亦病躬侍湯藥母痊而已疾作卒年二十四囑家人以麻衣斂宗人哀之孫維屏舉人

雷懋德監生父早逝事母林至孝母卒哀毀盡禮弟懋仁增生與兄同居老彌敬愛子時敬時效俱庠生

羅之品中和鄉人總角時母患瘵躬奉湯藥父促就塾晨昏偶歸母食則食否則忍飢而往母察知之先以盂箸置寢側給以食訖品乃食逮母卒事繼母亦孝

靖厚炳監生性純謹事父母孝父病癱口吮之母患痢親嘗穢

仲兄嫂早逝遺孤華遠教養兼至遺亡又遺孤二歲撫之成立

魏廷增字方至附貢生先世本姓雷至性純篤父病躬侍湯藥衣不解帶者累月父沒喪葬如禮中年奉母曲盡色養凡施與之事悉承母志邑有興作必爲倡捐嘉慶丁巳以孝廉方正舉辭不就子暄鑛俱監生鈔庠生同族壘字伯昌貢生亦以孝友稱且好善急公乾隆閒擴修郡學經營八年家資以耗三子皆入成均孫正復曾孫光普俱諸生

奚光煥號寅齋郡庠生性至孝母疾醫藥多不驗煥憂甚至夜半假寐若有人授以方醒卽如方和藥母疾頓瘳逾年乃卒猶孺慕不已平居嚴正自持與物無忤人咸愛敬易簣時謂諸子曰我每見士大夫於親沒時自爲行述廣乞銘傳欲榮

黃岡縣志

卷之十一

孝友

三

其親殊無謂我生平無可傳述爾輩僥倖成名皆祖人積累所致甚不欲爾輩效尤也其言行誠樸類如此子先凱進士中書先悌舉人涑水知縣孫德琇直隸按司獄

倪章福長圻墾農家子力田事親曲盡孝養父母歿廬墓凡六年隆冬僵臥雪中一日覺感母魂覆蓋之哭聲達村舍人不忍聞蘄水陳脩撰沆作劉貞女行併紀其事貞女其聘媼母也

胡必本號蒙山貢生事父母曲盡孝養母晚嬰危疾奉湯藥無倦容友愛兄弟推讓產業一無所較視羣從如一體有緩急咸資焉族故無祠本倡捐創建並刊規條以示族人至今遵之卒年六十子二華潤訓導華海庠生孫七同治庠生

汪謙號南亭嘉慶庚申舉人性至孝父歿母年七十餘不赴禮

闡菽水承歡晏如也母年九十三目見元孫子兆年監生兆雲進士曾孫鑾諸生謙卒年九十一亦目見元孫

黃之璇道光乙酉副榜父樹棠以嘉慶辛酉進士宰粵東茂名罷官後寄寓省垣五年不得歸命之璇回里入贅黃安未幾聞父凶耗比嘔血暈絕衫襟盡赤卽欲匍匐奔喪苦無資斧伯叔羣阻之之璇哀號獨行沿途乞資閒關抵粵丐諸上台蒙斂金以助乃扶櫬歸舟過鄱湖風暴作前船盡覆舟幾不免璇呼天哀籲誓以身殉俄頃風平不三日抵邑之團風鎮昇葬祖塋聞者皆嘖嘖稱美之年八十二卒子經弼庠生

陳履謙貢生祖啟華父貴起家勤儉世篤孝友道光十二年七世同居男婦長幼凡百五十餘人謙與弟履亨督率之共敦雍睦建支祠延師課子孫之秀者或改業則商於外均恪守

黃岡縣志

卷之十一

孝友

三

家訓家漸饒凡推解之事無吝容亦無德色里人多稱之王賀兩學使先後以敦行不怠義門高範額獎之大吏以聞

恩勅建坊旌曰孝義之門子鳳從子大易輔國天驥俱武庠蓮國學

生

張品庠生幼失怙事母孝錫類推解之事尤多子六長兆澤武舉次鴻邑廩生兆桂武庠生鵠庠生孝廉方正

黃自宸字楓溪歲貢生性誠篤事父母與繼母以孝稱五世同居其再從父年相若宸事之惟謹與羣從昆弟友愛內外無間言辛卯修邑志經理秩然從子引孚舉人江蘇知縣

許希曾字省齋議敘鹽知事生員文達子祖母殷母李俱以苦節旌見列女傳希曾幼逮事曾祖職員景道恪遵祖訓以孝稱長肩家政於族中貧乏歲時皆有周給族舊有祠力謀新

之道光辛卯大水民艱食平糶倉穀貧不能備價者代償無  
德色復捐錢百萬助官糶賑所全者眾子汝齡庠生汝鳳從  
九品汝梅廩生房縣訓導汝鐸監生議叙八品汝勳監生  
汪洋灝事親以孝聞父病篤灝跪侍湯藥衣不解帶逮父沒喪  
葬如禮解元郭維本爲之傳

呂德明庠生事親孝親沒哀毀骨立廬墓經年又若汪延隆靖  
本信余恩深李方郢陳殿魁夏傳爵熊世濂皆以廬墓稱上  
以舊志

曾廷彩一名道字天仁性孝友積學研經嘗以孝經訓其子曰  
此天經地義百行之原也大本不端文采無足道矣且人生  
濁富不如清貧金玉之美奚敵經籍之光汝其勉之著有拙  
齋集熊兩溟選其詩入荆湖知舊集于世儀祀鄉賢名宦祠

黃岡縣志

卷之十一

孝友

三

孫曾蕃衍皆盛德所詒云

洪恩峻字堯民貢生生平和厚端方動必以禮而內行尤篤少  
失怙恃育於祖母及長事奉至孝待祖母母家情誼倍摯事  
世母叔母如母視從兄弟如胞手足從兄恩溢久困場屋歷  
十三科始捷秋闈每試必隨往護視凡場具寓舍所需皆親  
爲檢理平時飲食起居亦然從弟二人以食指繁家計稍絀  
遇公財任其多取舊共設質庫例計母分子比收肆兄弟均  
支取略盡惟已款獨存乃仍卽所存均分之雖後嗣產業寢  
薄不計也尤喜施濟捨藥散穀歲以爲常遇戚族窮苦里中  
貧士輒加意飲助有老儒黃甘澍歲暮詣質庫贖衣匿稠人  
中恩峻瞥見之卽邀至內廳問狀悉檢衣以畀不受其值常  
買龜山地十餘畝施爲附近義塚佃傭某抗租家人具贖將

控諸官恩峻止之曰吾祖父從不訟人今以細故控鄉愚耶立碎其牘卒後數十年鄉人猶稱道弗衰以孫良品貴累贈中憲大夫江西道監察御史

石錫純字粹亭上庠生性仁厚事父母以孝聞胞兄暨堂兄借豪家銀數千兩索逋構訟慨然變產代償以息訟道光辛卯大饑傾貲助賑家遂中落淡如也生平重道尊師款洽倍至子濟川舉人官當陽訓導人以爲孝友之報云

陶熾字海春號秋嵐美丰姿性和易正直未冠時從師讀書學塾隣某縉紳家有美婢夤夜來奔峻拒之未嘗告人也同塾有覺之者始傳其事云事父母至孝母氏王壽至八十餘熾日誦元人詞曲及稗官野史諸可驚可喜事以娛老人漏三下始止如是者二十年年五十九先母一月卒生平仗義疏

黃岡縣志

卷之十二

孝友

三

財同族有作賓者以子多乏食常周困粟且資以百金俾其子服賈遂至大饒村人洪某兄弟值年荒將鬻妻子急止之時貸以錢累至二百緡或慮其難償慨然曰吾憐其守貧故拯之奚望償耶遂焚券其他善行多類此子兆增字小韓號益亭年十九失怙持已待人悉法其父繼母程性卞急每有挫辱皆怡然以受妻葉體夫志亦曲意事姑雖笞扑無怨言終始如一卒得繼母歡里黨稱之族叔宜焯嗜酒而貧增因月給酒米族節母胡貧難自給輒遣人送薪米不使匱乏居恆課子弟讀書唯謹子銳進士授吏部主事祖父皆

贈如其官

於逢年字益紹母李病癱痺三十餘年困床褥逢年日夕侍起居常抱持之咸豐閒賊至偕兩弟冒鋒鏑負母逃賊不忍害

子鍾林歲貢生

萬鼎衷字季修歲貢生訓導希烜子事親孝親怒輒泣跪請罪俟色霽乃起爲文法西江詩賦尤淵雅督學鮑桂星激賞之性嚴正鄉人恆敬憚焉

王啟秀字俊亭素行端方有至性親病侍湯藥常廢寢食及歿喪葬盡禮弟婦青年守志孤姪甫三齡啟秀視若己子撫之成立遇戚黨孤貧竭力周卹孫國賓舉人

胡華蓋字紫垣華麟字寶田俱貢生從兄弟也幼皆失怙華蓋生母梅華麟繼母陶互相教誨有法兄弟二人性惇篤事母均以孝聞尤友愛視若同胞同居數十載和睦無間家饒裕凡施藥散穀修橋造渡諸義舉不吝貲財鄉人頌之華蓋子三忠孚忠琪俱監生忠瑛貢生華麟子二宜丙諸生忠瑞貢

黃岡縣志

卷之十二

孝友

三

生

嚴煥彬原名有侗字淦泉郡庠生事親孝尤篤友于其姊氏適程四年夫卒遺腹生子永甚貧苦煥彬撫甥成人入泮後始歸程受室未幾永夫婦相繼殂姊老攜女孫依煥彬家以終萬裕淪字端甫監生候選縣丞知縣鼎琛子性孝友弱冠棄舉子業筦家政胞弟裕灃以舉人官荊州教授失怙時僅八齡裕淪撫之成立拳拳教育友愛逾恆道光己酉歲大祲減家食設粥以濟貧人存活無算子三成鑑蚤逝成鏞邑庠生伯子成錦字絅堂聰穎力學己酉拔貢生以應試卒京邸士論惜之孫寶書郡增生

魏麟玉字敦原性純篤母老且病麟玉侍養厠踰罔不親滌兄患咳輾轉牀褥玉善事之十餘年歲饑多所調卹戚族不能



婚葬者恆飲之子士奇邑庠生明傑從九品孫世梁廩生同族又有名榮者字凝道邑庠生孝親與麟玉同女弟適胡而寡榮勤恤之俾完其節每值水災宗族咸賴推解長子鴻三子鵬翥俱監生孫樹德源清俱庠生

李大經字星軒性至孝好讀書不屑爲制舉業於治河安邊諸大政無不通曉大吏耳其名屢羅致之辭曰古人一日之養三公不易絕裾捧檄功名之士吾不願效也卒不往誦經籍課子弟以寒素終年七十有三子拱垣貢生孫雲棟諸生雲楷監生應潮直隸府經歷署晉州吏目應瀾直隸河工主簿程宗謙增生父病篤剗股肉療之又因父患痢嘗糞人以爲難父歿三年內日至墓悲號母老耄設榻母室夜中得以伺起居八年不懈子世瑄邑庠生孫毓蘭郡增生時有監生左秉

黃岡縣志

卷之十二

孝友

三

衡者孝與宗謙同父廷璧早逝事母氏王惟謹母病親奉湯藥衣不解帶依母側設一榻十年未嘗入私寢戚黨稱之姜煥垣庠生幼喪父母賴庶母唐撫育成立煥垣事之愛敬不啻所生鄉黨皆稱其孝同治二年唐病待奉湯藥衣不解帶者累月及歿痛哭嘔血升餘亦於是日卒

宋琨字輝田進士治咸孫少敏悟弱冠補弟子員性至孝事繼母曹尤謹曹性嚴躁稍不合聲色俱厲琨每率妻徐氏跪請罪俟母霽乃已居恆怡色柔聲數十年如一日母亦卒感悟琨志操廉峻敎生徒必以敦行爲本多所成就

沈之銓歲貢生性坦直樂志養親不慕榮利敎人先行後文學者仰如山斗子光滌邑庠生有學行亦以孝稱

魏澤選雙柳區農人值道光辛卯水災奉寡母陳行乞於河南

商城母病亟負之歸仍丐以養每自忍飢嘗渡七湖從高阜處乞食歸至湖適冰凍不堪行澤選慮母愁思竟履冰歸抵家一日母忽卒澤選哀痛幾至滅性後十餘年同里葉大松亦邨氓也少孤貧道光己酉水漲甚於辛卯歲大饑扶其母至豫境求食次年夏母病故慮其暴骨他鄉負屍歸比還里屍未腐朽咸以爲至孝所感云

張述佐祖父期刵年八十久病困床褥述佐日侍湯藥未嘗離咸豐甲寅春粵逆黃以安等肆擄掠焚屋宇佐隨眾遠避旋念祖父患病在榻恐爲賊傷冒刃歸負之出適遇賊於途殺佐並剖其腹族人哀而葬之表其阡曰孝孫墓後數日黃逆等掠汪港爲鄉勇所殲聞者稱快

江景鴻父客江南阻於兵二十餘年未歸景鴻隻身往江南尋

黃岡縣志

卷之十二

孝友

美

父不獲輒哭泣悲號哀感路人一日彳亍姑蘇城外遇老人指一處曰此齊安義塚也細訪之果得父葬處遂扶櫬走二千餘里艱辛萬狀卒得歸窆

張傳馨字雲程少孤奇貧敦品勵學事母極孝授徒邨塾閒常不能舉火得數錢卽市餅餌奉母母憐而分與之必權詞謝曰生徒已進食其實無有也有聞而餽遺者輒力卻之與人交有過卽面斥不少恕朋輩咸敬憚之一日方夜讀有少婦來奔益朗誦不顧婦乃去生平未舉以告人時有偷兒從梁上見之每向人述其事云

邵正泰邨農也少失怙事母至孝家貧傭工供養必進甘旨母歿廬墓三年值除夕雪深三尺許且從墓側歸手足皸裂無痛苦色鄉里咸稱道之

陳宏順幼孤家貧不能娶母氏徐中年邁瘋疾體痿目瞽手足指盡脫落宏順愴慟爲母哺食起居坐卧皆抱持之服侍十五年誠篤不少懈又有舒必揖陳桂者事頗相類必揖事譬母出入扶持嘗湯藥浣厠噉飲食必親進母歿哀毀逾恆旣葬日省墓三次至老不倦一日詣墓前忽僵仆舁歸遂卒年八十有一桂屠而鰥母病痿待飲食寢興及澣濯污垢無不躬親經三十年不怠三人皆不識詩書而至性過人士林莫不欽佩

何宗玖家極貧母病癱痺竭力奉飲食湯藥朝夕護持坐卧凡盥污滌穢之事皆躬自爲之歷十五載無少怠母歿哀毀骨立後七年宗玖忽云吾將從母地下遂卒

陶之渭力田自給父歿結廬墓側晝出晝夜獨宿其中三年無

黃岡縣志

卷之十二

孝友

七

閒母卒殯於室適邨有回祿之災延及櫃室桁桷已燃眾莫敢近之渭號哭直入雙手挽棺至門眾接助之而出人皆以爲孝感

王基鎬字武民庠生父祚賓廩生載文苑傳基鎬性孝友言必稱父訓母病焚香籲禱兄病亦如之粵逆之難僑寓浣川咸豐辛酉母歿未及歸葬賊突至鄰人皆倉皇走避乃獨守母櫃號泣賊義之不忍傷同治初邑人士議舉孝廉方正堅辭不受尋卒

王獻方字仙槎諸生幼孤家貧性至孝嘗謹身勤學以遵母訓年六十尤篤愛敬咸同閒兵戎蹂躪每先期奉母遠避不令老年受驚迨母歿治衾櫬皆竭盡心力居喪三年晝夜泣血罔閒鄰里咸爲之感傷服闋遂憂思成疾卒

潘九如性至孝以館穀奉母必豐腆妻子有飢色弗顧也或有  
餽遺恆拒弗受母性嚴每怒九如膝行受杖無怨容績學以  
布衣終士論惜之

蔣鵬字翼南性篤孝矢志績學弱冠爲諸生有聲當粵匪初至  
父柩在室鵬守棺號哭鄉人感動爲飲葬之事繼母能得歡  
心至老不衰郡守黃益杰深重之同治壬戌特舉鵬孝廉方  
正因母老未赴部爰授徒養母以終所著詩文成帙惜火於  
兵子家弼邑庠生

王宗揚父賈於陝西以病故時宗揚甫四齡伯叔攜之歸其母  
氏申年二十八畱陝苦節守夫墓不離宗揚稍長屢思赴陝  
以乏行資未果及壯至陝尋母時母已五六十矣念老母衰  
頽路遠隔三千八百餘里無力貨輿馬遂負母於背沿途募

黃岡縣志

卷之十二

孝友

天

食比抵家貧無恆產仍傭工以養菽水罔缺後宗揚壽至八  
十六歲

馬先株先祿兄弟友愛事母以孝聞咸豐二年冬粵匪竄境時  
母已七十有六先株負之逃路遇賊刃傷母弁及株肩猶忍  
痛不釋先祿後隔半里許望見母兄受傷慘忿直前奪刃與  
賊鬪賊眾圍至先祿且鬪且罵賊斫其首尸猶僵立逾時始  
仆

方廷珍有至性少孤事母孝母歿廬墓三年齊衰不去身道光  
丙午冬有售妻者相泣路隅議值僅制錢十緡珍典衣如數  
給之俾免生離受者請姓名終不告

王地紹字竹谿諸生性嗜學爲文尙高潔不落恆蹊父兆卿督  
課甚嚴地紹待奉唯謹怒則跪受教非色解不敢退子運隆

邑庠生

范欽字雨山都司銜性至孝母病嘗藥禱於祖願以身代病立愈母仁厚樂施與欽先意承志歲饑疫發粟二千石以濟有病者煮藥治之全活甚眾江右羅某覓食於路鬻妻子自給汪某爲債逼將鬻子以償欽皆捐金贖之他若置義塚捐義田施義渡重建覓兒橋捐蓮台寺基悉體母志次第行之子華封同知銜

童莖字厚卿廩生事父母以孝聞兄弟因食指繁始析箸莖以筆耕奉養有餘則分潤諸弟年荒屢代償逋負雖啜粥餐糲晏如也爲人樂易和平而有介節居恆沈酣經籍年未五十卒

朱善富幼篤天性每有疾恐貽親憂祕不以告及長因父善病

黃岡縣志

卷之十二

孝友

完

遂習岐黃術藥餌必親煎奉父病旋愈鄰舍不戒於火延及前庭母老不能出善富適自外歸冒火衝入急負母毀垣出雖頭額焦爛痛楚不計居喪尤哀痛盡禮中丞胡文忠以額獎之曰百行之原

張文彬性孝友父之淇年七十餘病脾瀉二載一夕嘗十數起文彬昕夜扶持不避臭穢父憫其辛勤夜間強自掙紮文彬微聞動息輒驚起護持其牕袴污濁皆手爲滌除人稱其難兄文棻染病年餘艱於動履文彬服侍悉稱兄意子啓渭監生啓靜郡庠生

馬重鈿字華齋貢生少孤事瞽母孝扶持擗搔不假侍婢臨喪哀毀骨立兄重鏊早卒事嫂盡禮督族三十年宗人敬之孫先杰諸生

周步墀字長孺諸生居家以孝友稱析爨後每食必分甘昆季  
撫孤姪有成中年歷遊諸縣幕贊成惠政知閩縣林知楚縣  
羅欲以篤行薦力卻之

張世燾有至性道光二十八年大水兄世炳已析爨貧困幾罄  
燾鬻己產給兄爲饋粥貲厥後諸姪亦賴以成立

鄭占魁監生父得偏枯疾坐卧需人魁侍疾三年晝夜罔懈父  
病革命析箸魁請以腴產與弟弟亦讓不受時兩稱之

涂孝子逸其名薙髮爲業鱗而貧奉母必營旨甘母老扶衰滌  
穢必躬親之且割股以療疾母沒廬墓三年

陳楸衡性至孝親年衰多怒時以過見笞衡以鞭撻無力輒流  
涕有伯俞泣杖之風

何憲葵字捷臣 恩賜舉人幼失怙恃事叔父孝逮卒擗踊悲

黃岡縣志

卷之十一

孝友

三

號弔者無不感泣視從弟愛如同胞後粵氛起練勇出力卒  
年八十三子六裡諸生

丁名永善讀書事親孝母年衰弱於行躬負十餘年不懈與兄  
弟極友愛有句云年年著意觀橋梓又喜常華結蕊勻可以  
想其孝弟之心矣

徐本桂性至孝母病廢疾轉側需人桂極意奉事十餘年母沒  
桂哀泣旋卒

於浩監生事繼母純孝並恤其外家兩弟幼教之成立弟繼別  
房亦割腴產予之年七十九卒

喻志忠家貧至孝每忍飢養父歲歉隨父行乞河南父病卒忠  
負尸行七晝夜歸葬祖塋又有羅詠裳父沒於外隻身走數  
千里昇父骨歸咸以孝稱

喻錫俊幼失怙事母以孝稱其孫本滋亦孝友成性弟病痿起居飲食滋抱而哺之溲穢手爲滌除人以爲難

吳光岫少孤事母孝弟光楚幼督之力學入邑庠持家無私財建置宗祠祭產岫力諸多子姓孫會二百餘人列成均者十餘人

王家策字象翥天性純摯父于映邑庠生積學而貧晚益困策傷兩兄短折父母衰頹遂棄儒執藝事以其值營甘旨親沒旣葬無力結廬幕天席地伴宿墳側號泣往還三年無閒後以憂鬱成疾卒

張肇華母患痿輾轉牀褥華浣衣滌穢二十餘年母沒喪葬盡禮

汪慈煉性純篤生父洪琥患癰煉口吮之後琥復病剖股療之

黃岡縣志

卷之十二

孝友

三

愈洎生父母嗣父相繼沒事嗣母亦以孝稱

林作楨字敘齋州同銜性孝友工吟詠父早卒事生母劉以孝稱其季子大份能讀父書母王病侍湯藥昕夕罔閒母沒水漿不入口者累日後父病亦如事母父沒哀毀成疾卒

劉謙之少孤事父孝母歿廬墓母素畏雷每聞雷伏墓號泣溫正德年十二父歿母患風痿家酷貧乞食養母澣衣滌穢歷二十餘年母沒廬墓三載

徐憑之監生性純篤父附貢生兆鯉治家嚴憑之曲意承歡母邁危疾侍寢嘗藥歷三寒暑不倦與諸弟友愛備至歲祲罄所藏以周急無吝情

靖家清字慶之邑諸生性至孝父怒輒跪謝色霽乃起事繼母惟謹與從兄華遠相友從兄卒嫂程守志清敬禮罔懈鄉人

奉模楷焉

劉應梅字榮重內行修潔尤誠於事先祖祠距家里許每日晨興往供香火風雨無閒者數十年性和厚遇人有危難事必竭力扶持族鄰倚重卒年八十餘

曾世福字受田爲人儒雅正直果敢有爲乾嘉閒從征湖南苗匪本省教匪歷川陝河南等省十餘年累保千總凱旋歸餘貲數百金悉以分給兄弟而勤儉以終

汪引撫字蘭屏兆霖幼子少失怙奉母黃氏以孝稱遇母病侍湯藥輟飲食衣不解帶者嘗數月母沒年九十餘引撫擗踊哀號喪葬甫畢竟以毀卒性純篤事兄維謹視諸姪如己子終身無閒家故宦族引撫毫無私積常以淡泊勵志云

向文炳母病痰喘炳年十六躬侍湯藥滌廁膾十餘載不懈

黃岡縣志

卷之十一

孝友

三

湯心義事親孝與兄析箸時慮兄食指繁不遑將母請獨養之母卒殯於郊義宿殯宮三載

黃錦標字霞城恂恂一書生耳咸豐四年三月賊至黃林墅執其母將加刃焉霞城挺身救護竟被害

柳廷杰中和鄉民咸豐五年五月杰負瞽母避亂賊至母遣杰逃杰不忍離母子並遇害

董正山咸豐四年五月聞寇難負母奔避遇賊被執山泣曰棄母從賊不如死遂遇害

陳德垣咸豐七年賊至欲戕其嗣母德垣救護不得罵賊遇害黃如蘭事繼母孝同治三年五月賊至母命之逃蘭以母病不忍去遂遇害

梅楊瀾同治五年賊至瀾以母老不忍離遇害



孫汝衡監生同治三年八月捻匪突至衡負父逃復歸負母遇賊被害

黃文濱從九品同治三年賊至擄其父濱乞以身代賊並殺之熊萬勵事母孝同治三年奉母避賊於蘄邑被賊劫勵救母遇害

熊世傑事親孝母病割股救之同治三年在劉家莊遇賊不屈死

方道坦性至孝同治六年二月賊至松楊鋪坦背母奔避遇賊不屈賊縛坦於樹鎗礮並擊死

汪極源粵匪之難負祖母毛奔避被擄源與祖母均遇害曾傳寶傳春兄弟也捻逆之亂同負老母至界埠渡口賊忽至欲渡無舟二子負母涉河俱沒於水尸浮出猶一子負母一

黃岡縣志

卷之十一

孝友

三

子扶母如故

林光第徐永斯喻德魁皆以母衰病賊至不忍離因被執罵賊遇害

儒士王希慧鄉民戚其中何泗濱蘭善珍均負母避賊遇賊被殺儒士王恆泰奉嗣父避賊賊至泰護父罵賊剖其腹死皆永甯鄉人也

蔡本輝儒士徐正綱皆上伍鄉人潘志相桂唐沐中和鄉人詹以昆秦道善還和鄉人俱隨父避亂與賊遇執其父哀泣請代父均得釋本輝正綱志相唐沐以昆道善卒不屈死

葉肇甲貢生中和鄉人事親孝親歿廬墓側學使王文在以譽洽鄉評額旌之又有陳邦英楊德純羅楚榮亦中和鄉人嚴昌仁還和鄉人邵際瑛慕義鄉人黃樹桂貢生吳大鼇夏楨

忠俱下伍鄉人邱振玉庶安鄉人均以廬墓著稱

黃章品字卿轉性惇篤父歿廬墓三年食餽粥不茹葷爲近今所罕觀又以廬墓稱者有汪引鸞舒椿皆太學生引鸞進士兆科子父卒三載廬墓嘗捐置闔族祭產道光辛卯己酉大水皆發粟賑饑子士儀由副榜官廣東知縣椿母嬰篤疾侍湯藥數年衣不解帶及居喪廬墓側三載哀禮兼盡值辛卯水災捐穀三百石助賑人稱其惠

割股

明

劉思敬割股救母病愈巡按汪承詔匾旌之

彭克永父扶冲病劇克永割股餌之病愈提學道王永祚匾旌之

黃岡縣志

卷之十二

孝友

三

國朝

陶之伊康熙二年父君重病篤夜焚香禱祖願以身代因割股進之父病遂痊里人上其事知縣徐籀匾旌之

楊士松早失怙事母孝養備至母常患疽其妻陳吮之母夜苦足冷陳抱溫之母病劇割股以進尋愈

張有餘事親孝父廷榮病篤割股以進病遂愈妻嚴氏亦以此救其姑其後仲子華國子婦萬氏孫錦煌皆割股一門三世凡六見

劉宗向母汪病篤宗向湯藥親嘗旋復齋戒割股以進母病瘳吳太治父宏功病太治悲泣私禱願以身代後病劇引刀割股以進父病遂愈

龍肇亨父士通病劇肇亨割左股啖之病以愈事在乾隆甲子

年

程如會家貧孝事繼母廖廖病如會割股進之病遂愈又趙國祚劉世爵林宜賢陶克定亦以割股稱

姚啟順性篤孝家貧肩輿以供親膳父病割股以進遂痊母病復斷指和藥母亦瘳

吳緒溢緒春母久病不愈兄割左股弟割右股以進母得無恙程光環父病割股救愈後祖母病亦如之

奚紹信父病割左股以療母病復割右股父母皆得延年其次孫光壁事叔父如事其父叔父病劇光壁割股進病遂瘳其弟東晟亦割股救母病邑人稱爲孝義之門

揭鳴九性篤孝父病割股以進遂愈後母歿廬墓期年

朱彩五下伍重鄉縫工也父病割股救之父歿奉母彌摯或食

黃岡縣志

卷之十二

孝友

三

以佳味必歸獻母母歿廬墓三年

胡萬年六歲喪母繼母張生弟定秦宦京邸張在家病萬年割股以進果愈

余木匠本姓藍名世誠樊港人也母病割胸左肉一瓣以進不出血母病遂瘳自是雖酷暑不解衣母故每除夜必往守墓

竟夕悲號

邵際連母病連割股療之父患穢疾連口吸舌舐得延年餘連妻吳亦善承夫志以孝聞連後入邑庠

沈敦彝 洪志道 黃元亨 包祖樂 熊會清 劉仁覆

左宇發 杜英萬 杜兆瑞 李在寬 尹萬書 夏隆瑚

呂麟玉 邵正翥 舒中烙 舒光澤 汪引恩 邵正傑

均爲父割股

盧占鰲	陳有為	雷正煊	周奇光	舒謙受	胡之洙
張承珍	鄭宗海	宋天德	靖華春	杜希科	王士珩
蔡茂元	劉三槐	鄭長青	王紹貴	王廷相	周祖興
李啟勝	張士雄	曾德鰲	李運乾	劉泰銘	孫克詮
陳國舉	胡士傑	龍繼先	汪世悌	鄒懷爵	王緒勝
張正祿	何在朝	曹宗潢	祝光智	邵鵬泰	彭萬年
童士信	張全宗	邵際鏜	單浚	周震星	<small>均為母割股</small>

以上舊志

王世祐嘉慶丁丑科進士鵠之曾孫邑庠生子岳孫甘肅補用  
 縣丞家澧子時澧襄辦源源糧倉局祐年十七度隴省親見  
 澧病篤情迫割股療之澧延旬餘始歿大學士陝甘總督左  
 奏請 旌表照例建坊入孝子祠其餘未旌者備列於後

黃岡縣志

卷之十一

孝友

美

張家燾	樊中庸	陶豐盈	倪良志	袁運泗	戴聯芳
羅天潤	杜和泰	汪代元	<small>均為父母割股兩次</small>		
童有豪	童本崇	林壽山	胡師望	汪步高	左治璆
左治煜	程明均	吳上林	吳榮林	劉開濟	陳維祺
周恆堂	劉文榜	李常浩	曹高翼	周其名	張紹友
馮士濤	傅其洪	郭光曉	喻承仁	喻承熙	王永昌
饒舜裔	雷平安	趙光耀	孫開泰	舒中耀	舒中烙
舒中潮	李升	方毓蘭	皮洪發	雷祥麟	劉際霆
劉成俯	鄧高生	鄧長城	鄧三峯	陳德文	范紹鰲
徐文立	陳維蕃	丁道徵	范純和	雷清榮	倪元珠
操履成	操履祥	涂邦任	戴永桂	陳應祿	胡禮臣

均為父割股

陶慶琮 周貞祥 於孫謙 周士楚 程正國 陳維佐

夏開燻 邱法欣 邱法幸 金永豐 金永盛 金永福

杜永孟 杜祚達 張同春 張同年 龔心奎 童有璟

汪元華 林與柏 汪家駭 吳秉爵 吳兆乾 吳兆坤

王大伸 靖應高 鄭澤高 蕭道敏 王純禮 程明哲

李居江 李龍舉 童本年 王先天 李世銑 王九鴻

張養緒 邵錦鈞 邵希青 鄒承烈 游亨厚 喻廷蘭

喻錫寵 繆美原 錢有福 王松發 歐希林 汪銘簡

黃時元 周輝澤 金鼎和 陶願意 胡孚恩 袁有成

劉際雲 趙作豔 劉泰純 孫學為 劉功元 陳家勤

楊萬才 丁時進 萬獻忠 余春華 袁朝典 周功訓

周煥美 鄧開武 鄧三壩 鄧丕栳 鄧維源 曹志國

黃岡縣志

卷之十一

孝友

三

程正身 羅慶輔 湯秩記 李達球 倪世傑 汪玉堂

黃成耀 林光璣 王殿鋒 孫允成 陳鵬 孫正好

汪柱國 熊志純 聶國雲 馬詒貴 馬澤華 郭恆讓

吳象文 吳啟雄 汪厚宣 操養檣 操養喜 吳大望

韓子善 楊心廣 周紹武 郭殿英 龍世炯 牛有才

蕭燮臣 王振銑 但祖慶 均為母割股

操輔朝 方立棟 均為母割肝

王出球祖父病球割股奉之而愈他如甄光煇鍾大用為祖母  
王崇禮為叔父夏立山為兄皆以割股稱

羅治榮 為祖割股 鄭耀筠 年十四為祖母割股 夏澤廣 為祖母割股 喻治勝

為叔母割股

童本銓 詹人必 萬成浩 均為叔割股 李厚元 為兄割股

百歲翁暨屢世同居

附

華魁叟邱高奎僕壽一百一歲

詳忠義傳

屠應蛟年百歲見篤行傳

胡來通年百歲見隱逸傳

於心實字正伯諸生方正嚴重人稱長者年百歲子弟恂謹遵

其訓孫萬震康熙庚子舉人

洪世永字清渠諸生壽百歲聰明康健無疾而終

袁文衡年百歲見于清端政書

沈家琮年百歲道光二十八年詳請學憲額獎子之銓歲貢生

有傳之銑邑增生孫光灃諸生

藍有德五世同堂見省志

監生萬廷德字據安性好遊乾隆甲申年七十餘遊揚州

黃岡縣志

卷之十二

孝友

三

聖駕南巡廷德迎拜道左

恩賞八品頂戴黃絹一幅養老銀牌一面卒年九十八

吳大裕五世同堂嘉慶二年由學詳請旌獎子之任歲貢生孫

思彌諸生

劉學開六世同居道光六年詳請學憲額獎

劉學剛五世同居道光九年詳請學憲額獎

邱安衡五世同居道光十二年詳請學憲額獎

廖澤厚年九十六歲五世同堂子四孫十曾孫十一元孫二道

光二十八年詳請學憲額獎

劉植玉字漢哲生於康熙戊戌卒於嘉慶丁丑壽百歲

監生王炯年百有七歲光緒乙亥年題請建坊

恩賜七品頂戴

董繩武光緒元年年一百歲會元三十餘人

謝文德年百歲

高文富年百歲眼觀五代

楊法毅年百歲

許士龍年百歲

盧佐秦生於乾隆甲午卒於同治癸酉年百歲

韓士忠年一百二歲 旌表建坊並

賞給緞疋銀兩並昇平人瑞獎額

監生雷開甲性孝友喜施與嘗捐芝山圃一所作義塚年百有

一歲

陳錫球精岐黃壽百歲

陳啟才字君顯舉洲農民方正樸誠教子孫一準禮法壽百歲

黃岡縣志

卷之十二

孝友

三九

四世孫巖字錫侯亦壽百歲

周宗崙生於乾隆丙戌卒於同治乙丑壽百歲

周宗成生於乾隆辛丑卒於光緒庚辰壽百歲

袁昌泰生於乾隆甲午卒於光緒丙子壽百有三歲

袁殿選生於乾隆壬辰卒於光緒乙亥壽百有四歲妻范氏亦

壽百有三歲子孫蕃衍

張長亨精岐黃壽百有九歲

李光前現年百歲子孫蕃衍

陶華榜生於乾隆壬寅現年百歲

周必奇生於乾隆庚子現年百有二歲

華同才生於乾隆辛丑子二俱年逾七十孫會蕃衍現年百有

一歲

方明定生於乾隆戊子卒於同治己巳壽百有二歲孫會林立  
郭元義壽百有一歲

郭文有壽百歲

方本貴廣東合浦縣縣丞升合浦知縣壽百歲  
嚴長春壽百有一歲

林開和生於乾隆四十七年現年百歲光緒七年詳請 旌表  
王正憲生於乾隆辛未卒於道光庚申壽百歲五世同居  
左順邦年九十四五世同堂子二孫七鎮洛庠生曾孫十三春  
芳秉鈞俱庠生元孫十五向榮庠生

羅大琮五世同堂子三孫十五曾孫三十三元孫一卒年九十  
監生雷朝鼎性純篤尤好義舉倡修培心堂善局子二時模時  
楷俱職員孫六名漢庠生曾孫二十二元孫一現年九十九

黃岡縣志

卷之十二

孝友

罕

五世同堂

庠生丁杰家範整肅五世同堂

羅應鯤五世同堂

朱斯德五世同堂

程敦極五世同居

監生張周六現年九十五五世同堂

孫宏學五世同堂子五永裕永升職員永元監生

孫之順年九十歲五世同堂詳請學憲獎給太平人瑞匾額  
鍾大烈字猷臣七世同居男婦三百餘人奉約束惟謹粵匪之  
亂家人殉難十數人

增生孫開煥字文庵壽百歲五世同堂

曾光灼年八十六五世同堂子孫蕃衍



郭言檜性孝友五世同居親見七代詳請學憲額獎

張可偁年九十六五世同堂

張之業五世同堂

宋清泉六世同居

曹同倫五世同堂

監生吳大玉性剛方少業儒旋以醫名修譜建祠篤於族誼現

年九十六五世同堂眼見七代子七人長元吉邑增生

周宗遠年九十二五世同堂子二應溪家福皆監生孫四曾孫

三元孫一

程大醅年七十八五世同堂

監生王朝棟壽百歲五世同堂

篤行

昌黎有言怠者不自修忌者畏人修末俗膏肓斯言盡之矣而前志載篤行諸君子駢肩累跡當時筆之無異詞後人信之無異議非其實行昭明不可得而掩何以至是此以見前人立身之功爲不可及而有志敦行者皆可以信今而傳後故人亦在自修而已矣

宋

潘丙字彥明以解元舉進士與蘇軾交至善有文行其弟原秀才軾亦稱爲佳士有舉業見軾與朱康臣書

董助教敦信誼恤貧乏大觀間歲旱爲食以待餓者又設餐餌給小兒多所全活後以壽終

明

黃岡縣志

卷之十二

篤行

三

董經綸多隱德家素饒好施與以義重於鄉里

孫子華輕財好施正統間值歲大祲輸粟萬石賑黃麻蘄水三縣饑民御史臺以聞詔賜敕旌爲義民

陶以諒好義輕財正統間歲祲出粟千餘石以賑事聞旌其廬勞以羊酒免徭役三年

朱文智字道全諸生性忠厚與弟每均財輒相讓其尙義勤施亦相類嘗歸省江右饒虔吉信連荒慨然襄賑正統成化間輸穀者再凡三千有奇事聞特敕旌之勞以羊酒免本戶差徭五年府縣官賓禮存問

曾恕字希仁黃州衛指揮僉事性至孝父全正統時征橫江戰死詔錄諸陣亡子姓恕後至人問之曰吾不忍也後督漕以介聞監司咸旌異之祀鄉賢

曹良輔字大忠居崎山陽釣於清溪號清溪居士置產分諸兄弟族黨無歸者濟之嘗有盜過其門曰是長者犯之不祥王孚生而穎秀童時與張寶共學於白鹿洞後同舉於鄉天順癸未會試孚弟美玉與偕值貢院災美玉踰牆負孚出後入尋寶則頭面半毀又負屍出遂歸葬焉孚後爲襄城教諭應河南鄉試聘所至有方正聲襄城有尙書子違教令孚扑責之尙書怒孚遂乞歸建書院於西阜山莊以來學者子簡邵武推官筮夔州訓導

黃伯垓字鵬遠成化丙戌進士累官苑馬寺少卿節操清亮鄉評稱重卒祀鄉賢

余文瑞正德庚辰進士有學行未仕卒祀鄉賢見府舊志又有余鏜者嘉靖戊子舉人性孝友授蘭陽教諭終養不仕

黃岡縣志

卷之十一

篤行

里

樊模字廷正由恩貢官兵馬司指揮性孝友好學至耄不倦鄉里稱爲善人

王秉直字子愚嘉靖乙酉舉人性伉直所與遊必賢豪長者見非其人輒引去不輕與言也

邱尙忠事後母承順唯謹子岳在諫垣有聲尙忠偶謁縣令令疑有所請因問近得家書否卽應聲曰兒屬家書惟諄諄老夫慎勿造公府耳時稱其介封工科給事中祀鄉賢

宋章字朝憲歲貢知威遠縣親老懇乞終養士林重之

易大履字廣居家殷實好施與嘉靖中出粟千餘石以賑飢詔賜義民冠帶

史秉直諸生萬曆十六年邑大荒秉直捐米六百三十石於團風鎮親煮粥賑饑救活多人知縣劉夢周請給匾額鄉人稱

之

劉文元性方正故人王追美將沒託其幼子一鳴文元許諾乃從之學過則撻之甚則使跪於木主下稱父訓哭而告之後一鳴成進士每接文元衣履必肅懼其怒且叱也晚爲華容教諭

王相字良弼諸生爲學必以求天理爲安置義田贍族歲大饑爲粥食人於路一日見婦人渡河爲鄉人所阻乃怒以騎濟之遂造橋人呼爲王相橋郡守潘允哲爲旌善亭列名者四人皆高年敦行誼者相與鄭廷桂邱鳳鳴及其從子養儀也又程通者字子羽諸生廉而讓著有里仁會約鄉人重之

鄭廷桂字石濱性孝友好施與有貸不能償者輒焚其券年八十餘卒諸子廬於墓忽一人率妻子拜哭於墓問之則瞿姓

黃岡縣志

卷之十一

篤行

四

也曰微翁之惠則無室今子三人皆成立矣平生善行多如此長子謙舉人官雲南知府次讜讚皆以文學稱曾孫光郢光黃見隱逸傳

杜鳴陽字子鳳嘉靖癸卯舉人性渾厚與物無忤親歿撫兩幼弟友愛備至授遂甯知縣改江川俱有惠政故人朱廷相女許聘豪右及廷相死且貧豪右背約女無所歸鳴陽乃聘爲仲子傑婦是秋傑舉於鄉時人以爲盛德之報云祀鄉賢徐崇德字象賢貢生性坦直不私芥蒂以禮經名四方士多游其門爲白水教諭風節特著祀鄉賢

徐襪字天祐有隱德兄早卒從子幼撫育教訓俾至成立平生濟人之急鄉有不能葬者助之不吝以子銘貴贈文林郎易明幾字汝戒篤於孝友諸弟早逝撫遺孤猶已出家素饒人

有稱貸必應未嘗計其償也日每嚴重危坐見人過輒面折之以子傲之貴封御史

黃士元字汝覺篤志力學嘉靖己酉舉於鄉攝貴溪教諭主白鹿洞一時從遊者甚眾擢餘干知縣遷撫州府通判有能聲後歸屏居林畝日與多士講論不輟歲祲施穀賑救人稱其德年九十鶴髮童顏望之若仙時有李時芳羅星俱以操行方正爲鄉評所重時芳嘉靖甲午舉人官興化同知星己酉舉人官阿迷州知州

阮文蔚字自質萬厯丙戌進士茅志作己丑性介潔嘗道經維揚

賈奉千金屬居閒文蔚曰吾先世無千金產况敢侵士大夫權竟卻之後官行人以册封上饒王道卒家貧無以殮巡按御史李天麟助之葬

黃岡縣志

卷之十一

篤行

墨

曾日省字見獨萬厯庚子舉人辛丑會副累官潛山知縣行取主事致仕歸講學於赤壁正宗會館學者宗之

方一盛字新宇萬厯閒由儒士授四川鹽法提舉持法平允商民便之擢正定知府終養乞歸事親以孝聞建祠堂置祭產又設粥食飢掩路骼修橋梁郵亭凡可利人者竭力爲之年九十餘卒

孫顯祖字衡洞諸生性渾厚家素饒周散貧乏有彭城塘闊里許歲多魚利盡捐爲宗族供祭祀貧戚有遭喪者指他人田求售於顯祖遂應之或言其詐乃曰聊爲麥舟贈耳還其田亦無德色以家事付二子棲隱山林種花竹自適年八十卒子應鴻別有傳

王同鼎字調甫由歲貢授江甯知縣著廉聲擢刑部主事諸生

時好施與家中落不倦嘗曰人生重義耳豈望報乎值歲饑弟同觀捐粟千石以賑同鼎亦力附之一郡多所全活萬一僑字葆初父偉諸生晚舉僑時勢家豪奪而僑勤約務刻苦以實行率鄉人嘗避賊鄂城有豫士李姓亦以亂奉母至賊圍城僑繼而出反求得李與俱乃行又避難崎山路遇賊劫其帑已知爲僑也謝而還之從兄一奇嘗曰吾弟渾厚如太古他日遠大吾不及也子四俱以學行顯科名世宦不絕曹之建字中甫父士彥有傳之建事繼母蕭以孝稱族戚交遊有貧者婚葬皆助之不矜己形人短知縣茅瑞徵修邑志之建與焉由歲貢薦除吳江教諭多所成就擢廣東四會知縣有清直聲卒於官孫本榮別有傳

程士翼字冲冥諸生好施與同族貧乏者必濟之萬曆己丑歲

黃岡縣志

卷之十一

篤行

吳

歉減糶百石不償者亦不問與人寬容無所較子之試之奇俱以文行稱之試載宦蹟傳之奇官沔陽學正及歸年皆七十餘日常相依怡然樂也之敦士翼兄子少有文名天啟甲子舉人累遷萍鄉知縣清慎自守教人以實行致仕卒

樊玉衢字荆軒少時從父煒司訓漢陽會張緒講學江漢玉衢與兄玉衝師事之益自勉於學侍父疾衣不解帶者三年比卒毀痛骨立兄玉衝清介早卒無子玉衢治其喪葬嫂余苦節事之如母又置義田贍族立義倉以備凶荒見善事輒行不遺餘力流寇之亂所在摧靡玉衢指授方略守土者賴之當事薦其才辭不受年七十餘卒祀鄉賢子維鼎維域維忠俱有聲維域別有傳

何直字報所幼聘同郡鄧氏女女年十三目眇足廢鄧翁謝請

他聘直不可竟娶之後鄧卒遂不再娶父母卒日省墓歸則  
局一室以詩文終老子閣中別有傳

鄧士駿字良夫諸生性孝友好學深思卓然自立與弟士駒皆  
有才名與黃梅瞿九思爲文字交年六十卒子雲程載忠義  
傳

葉國章字憲可諸生向陽子事繼母以孝聞少勤學博涉經史  
年三十舉於鄉授廣東徐聞知縣以疾歸平生好行德義全  
活甚眾有鄉人來全者以己女償人債章爲贖歸之又嘗借  
蘇州陳立吾及楊應第百餘金值兵亂後無可歸者乃以其  
金分濟飢人書其上曰某氏之金使歸功於陳楊也子大年  
之允俱諸生

何譔字韋長弟謙字緘仲兄弟皆博學尙氣誼人有一善力爲

黃岡縣志

卷之十一

篤行

七

表揚與廣濟劉養微交最善養微病譔謙家距三百里器用  
服食需之卽應奔走絡繹不絕歲餘養微沒經紀其喪爲刻  
康谷子集其他豁達好善類此譔子元方篤行能文以諸生  
終劉醕驥序其遺集

屠應蛟字仁齋至性過人潛跡授徒多隱德壽百歲子振鐸官  
工部主事請諸朝賜冠帶建坊妻周亦九十有七

黃鉉字宏卿好宋儒書諸弟少孤皆教誨有成以會副授湘潭  
教諭遷河南永城知縣多善政擢兵部主事告歸仲子中寶  
別有傳

劉伯江宏治時大饑邑及麻城黃陂三縣尤甚伯江捐穀萬石  
銀千兩全活甚眾

汪之渙字鳳溪隆慶庚午舉人嗜學尙義萬曆戊子大饑捐穀

拯濟全活甚眾穀盡自食菜羹無悔甲戌公車道上見少婦自鬻贖夫罪與之金遂去既而其夫送婦以券至之渙曰吾哀汝貧無告耳豈有私乎焚券令歸人義之卒祀鄉賢孫煉南別有傳

謝宗湯字建中博通文學明末歲荒路拾遺金坐待還其主不問姓字人稱篤厚君子

杜鈺字子堅幼爲諸生有雋才習父時芳訓言動不苟素好義有夏姓者垂老爲豪右迫鬻其子鈺爲贖之後與弟鏞同舟弟溺鈺赴救之並沒於江詩文甚有稱同里杜詔先序其遺集

邱一貫諸生敦善不怠家素饒遇困必有濟時疫施藥全活無算嘗一日焚券千餘金人有質絮袍及被者冬不贖輒取以

黃岡縣志

卷之十一

篤行

吳

還子維明維時同榜舉人

國朝

陳天生字植其父鳳正生母劉俱早逝事嫡母蕭至孝弱冠補諸生敦行尙義以清白訓子孫敝衣芒履逍遙遊咏有古君子風卒祀鄉賢子五長肇昌別有傳

鄧錦字子燦本姓曹順治丙戌舉人累官兵部職方主事出判彰德府解組後沈酣圖史被服若儒素端方誠篤里中稱爲長者

杜琦字奇玉太僕伸之孫也警敏力學事母以孝聞順治甲午舉於鄉授黔陽教諭日集諸生講禮法程文藝士風一振庚子應聘滇闈稱得士子士默字伯緘倜儻好義由選貢教諭大治士人悅服值歲饑民譁士默諭之輒斂息故人索震老



無子及知縣汪灝子壻貧不得歸士默俱養之終其身無德色

蔡師孔諸生性好義居濱孫鑽埠大河水漲人艱渡師孔捐造義船並置田數十畝爲歲時修理費又置祠族祭學並所建白雲寺香火各田數十畝爲永久計子之騏諸生亦勤施有旗丁逋官糧之騏捐穀三百石銀二百餘兩貫其死者七人闔郡義之鄉飲聘爲大賓

陳偉字疊臣諸生父尙友潼關縣丞偉刻志讀書敦行勵品性至孝值明季賊亂奉母避難雖倉遽未嘗稍懈康熙二十七年夏逆將趨黃郡守以偉有幹濟使團練以守及夏逆敗荆口走白雲山偉與易爲泰計縛之一邑賴以保全子瓚廩生多隱德士俊癸巳舉人孫應龍乾隆戊辰進士榮與諸生俱

黃岡縣志

卷之十二

篤行

四

有文學

聶文錦字道章諸生篤志嗜學尤慷慨好義有梅邑故家子爲無賴所賺文錦詰得其由設計贖之併令就塾撫之一如己子越三年有成乃送歸其家厚餽之堅不受生平行義多類此

韋克繼字承公歲貢生性和厚樂爲善事從弟妹之孤皆爲婚嫁又故人辟仇遠遜遺子方數歲克繼育之三十餘年學成有室其父始見焉克繼招之歸也年七十餘卒

熊翼爲字湘尹諸生事親先意承志侍奉罔懈與人諒直爲戶正整肅有規置祠產養老恤孤做范文正法好施與於物無所取嘗見遺金守而還之砥行好學鄉里遵爲模範子德焱諸生崇禮收族不墜父志

易中瑜字與偕諸生家素貧力學尙義族有幼貧而爲僧者贖之歸撫養授室子姓遂盛其妻弟出繼他姓亦收養之嘗拾遺金候之歸其主子德瑩字以文弱冠入郡庠事親以孝聞  
厚重好讀書不忝其家學

龔鼎鏗字夏彝十歲能屬文以明經謁選訓導未赴任卒性孝友研究宋儒之旨尤精春秋左傳爲人謙光厚德里黨號爲正氣先生弟錫恩字漢若諸生輕財好義族中貧者悉周之  
晚年工詩文從子陳謨推財讓產善處兄弟亦以義稱

胡可封諸生篤學尙義康熙十八年歲饑捐穀五百石又勸捐穀千餘石計口給糧活人甚眾郡守王輔親至其宅匾旌之  
陳維藩字爾碩家素封好施與康熙十年歲饑捐穀四千石以賑次年再饑復爲粥於路存活甚眾布政使徐惺郡守于清

黃岡縣志

卷之十一

篤行

五

端匾旌之年九十八卒

周之鳳字爾尊重義好施與康熙十四年歲饑捐穀千餘石以賑郡守于清端匾旌之子維禮德安訓導維祿維福諸生孫棟隆乾隆壬申進士應隆諸生

許文燦以字行性仁厚輕財重義康熙九年歲饑捐米設廠煮粥以賑全活甚眾同知于清端匾旌之

徐肇泰性孝友好施與康熙十八年歲饑設粥於路兩月貧不能殮者施棺二百四十餘鄉人稱之

張美之市民也尙節義少時遭流寇亂身被數創走伏荻林中見女子言自江陵避亂迷路不得歸美之使就其家養之禮度唯謹歲餘亂平訪於江陵果得其父婿迎而歸一時傳爲盛事後美之壽至九十餘

杜大任字連玉歲貢生雲夢訓導性孝友鄉黨推重太守李彥瑁慕其賢敦請鄉飲賓教學於城南草堂貧者助其薪粟多所成就子啟運由進士知西和縣性廉才捷屢決疑獄力清陋規督撫薦其才未幾卒於官士民泣送百里外爲榜遠致於黃云

靖乃質字素菴諸生素抱經濟爲善於鄉康熙甲寅乙卯間連歲早荒乃質捐穀爲鄉里倡全活甚眾太守于清端獎異之又嘗捐千金爲宗族建祠修譜年七十訪詢所至不憚勞瘁鄉族稱焉

孫昌運字天被學行修飭爲士林望歲大饑力募捐賑全活者眾以選貢授教諭未仕卒

周有堂字叔蔭少孤事諸兄敬愛備至家貧力學屢試輒冠軍

黃岡縣志

卷之十一

篤行

五

康熙壬辰成進士授中書舍人雍正丙午典試浙江稱得人補禮部主事遷吏部以疾歸仕宦二十餘年仍家徒四壁云蕭必昌字克侯諸生端潔自好年三十妻亡遂不再娶接人必飭衣冠言動維謹至老不倦好學博聞尤邃於易年八十餘卒

周世達字道以國學生父之美立從弟驄子爲已嗣也世達慷慨讀書能文章好賢以禮見鄉里窮乏輒賙之往往折券棄負家以是落不恤也之美官四川生子曰世通之美卒世通幼疑世達其母聶乃詳言世達之爲人且曰是至誠不可疑者於是終身無間言子八人多能文茂建乾隆丙辰舉人方可丹字一常雍正癸卯進士授新淦知縣有廉平稱以病改辰州教授訓士先行後文丁艱歸閉戶不出前守禹殿齎延

主河東書院多士景從時以方正舉後選襄陽教授卒

孫天祿字亦煒父士謀諸生事親委曲承順鉅細必誠天祿事祖母亦以孝稱嗜讀書敦行誼雍正五年歲饑粟踊天祿糶千餘石減價十之五多所全活邑有貧鬻其女者訪知爲故家後乃擇從子年相若者婚之人以爲義晚以歲薦訓當陽能得士心以疾乞歸子廷璋副榜廷槐舉人廷瑄諸生

魏永絲字言如由鄉貢教習授儀揚鹽運分司性孝友好施與雍正五年饑設粥米多所全活又嘗建義倉義塚鄉人稱之弟永經亦以孝友稱

萬紳祖字純子爲恪第三子性孝友父病求醫一日夜行二百餘里及卒殮殯皆誠慎如禮歲時館穀歸一付諸兄弟無所私爲人樂易坦直終身無疾言遽色好施與宗黨急者歸之

黃岡縣志

卷之十一

篤行

五

嘗急父執之難崎嶇齊豫潁泗閒雖危迫不忍去事已經年乃歸又嘗值歲暮以私逋且亟貸金將償適途有被誣者告以困遂傾囊予之終不以無償悔年四十七卒

邱自東字震芳好施與雍正五年饑穀價踊甚自東減價以糶踰年又饑六月連雨鄰里斷炊升米三十錢自東乃焙新穀乾之升僅三文存活甚眾人咸義之

曹紹烈字承緒雍正癸卯武進士以親老不仕性幹而廉邑有公事如修韓魏公書院及學宮考棚創建河東書院前後守令皆免爲經理咸稱其能年六十二卒

陳師豫字書田副使大輦子雍正癸卯舉人性誠篤事祖母徐母鄭以孝聞嗜學勵行好施與歲稍歉則減價糶全活甚眾見族里能學者勸之濟以薪米及應試貲他如賻棺槨助嫁

娶事難枚舉例選主事未仕卒

唐方泰本姓呂家貧力耕行壩城山道上見遺金不取坐候之  
踰時一客踉蹌至則徽商李文候所失五十金也文候感其  
還金欲有贈不受一時稱之

顧筠字竹如父文玉諸生筠幼時父爲聘室未嫁而瞽其父母  
沒兄嫂惡之遂使蓬跣事春曰文玉見之歸坐而嘆筠問告  
以故筠曰幼聘之瞽而棄之非義也父喜曰爾能如是遂迎  
而歸夫婦終身無忤色

陶之瑤字荆璞貢生性孝友好施與雍正二年邑饑捐糶千石  
價減十之二至五年做社倉法放穀千餘石所濟甚眾又建  
韓家社橋捐貲三百餘金行人便之子成新孫國幹別有傳  
謝惠敦行好義親鄰借貸輒應折其券佃農逋租往往棄之嘗

黃岡縣志

卷之十一

篤行

三

捐社穀百餘石重建賀漚橋鄉里稱爲善人

秦樂天字少白嘗讀易閉戶二十年從兄有貧無室者爲營屋  
娶妻以安其業值歲疫樂天承父志捐貲置棺助其里晚年  
吟咏自適

余文元性樸誠喜施與雍正癸卯捐洪山寺社倉穀百石又捐  
修棠棣湖橋置田爲修理費行人便之

程後濂字貢書乾隆丙辰進士性孝友母患瘵朝夕服侍衣不  
解帶者三年大父芳烈遭宿疾牀簣汗垢躬自滌除閱兩載  
無倦色家僅薄產舉以讓弟時人稱之生平篤志力學嘗以  
鴻博見舉未就河東總督白鍾山奇其才辟署海贛同知著  
有治河末議尋以父病乞歸父沒哀毀成疾逾年卒

朱案扶字典傳好古勤學雍正癸卯舉於鄉教諭南漳振興文

治襄陽書院延爲山長一時經指授者皆有法度與修安陸襄陽鄖陽府志以艱歸哀毀踰常三年啜粥不茹葷性廉慎不妄干謁樂施勸善至老不懈乾隆戊辰成進士

李拱祝王名啟田宏道俱貢生李逢年歐鶴舒日觀洪必璋李璜童顯德李春宜夏聲王懋笏陳師鼎孫可行杜贊俱諸生共十五人均砥行礪節積學授徒鄉黨重其人惜其事實無傳存以備攷

王如海以封殖起家嗜義如渴鄉里稱善人凡修橋梁設義渡施棺襯皆不惜重貲大吏以

聞准建坊以好善樂施

旌之子宗華字景虞克承先志而推廣之捐田百餘畝於問津書院以供祭祀捐七百餘畝於賓賢館百餘畝於靳水興賢莊以

黃岡縣志

卷之十二

篤行

五

助賓興京師黃岡會館黃州試院武昌試院鄉試貢院皆增修而繕葺之前後費金錢以十萬計巡撫高杞上其義行議敘鹽課司提舉華弟啟麟宗茗議敘州判子謙亨教諭士棻

士墀皆能紹其業

本省志  
增益

毛其瑞字禎祥重義樂施嘗於途中拾遺金五十兩聞者爲之喜瑞曰拾金而喜豈知遺者之憂乎訪失金者乃里人程某託其中表某爲娶婦之資程疑某乾沒相忿爭瑞以原金歸之程感其義多所饋贈固辭不受曾孫崑舉人

徐璋字峩邨乾隆己酉副榜敦品勵學晚年家無儋石之儲輒吟咏自適不肯干人生平精岐黃術無遠近皆應其求道光戊子選應山教諭未履任卒士林悼之

徐懋元字文菴懋修字心齋俱監生皆仗義疎財懋元於道光

辛卯壬辰間水災頻仍糶穀數千石減價十之五至辛丑大水次年春饑甚復捐穀三百石全活頗眾懋修道光己酉洪水爲虐糶穀二千石減價十之二又咸豐丙辰大旱捐米百餘石爲粥賑饑鄉族稱焉懋修享年九十六

萬鼎璜榜名鼎券字蕙貽道光己亥舉人性孝友家貧授徒於外每歲脩金分潤諸伯叔雖簞瓢屢空不惜也歲庚戌館於保定適同邑奚德灃孝廉亦就幕畿輔以病卒鼎璜竭力治其喪癸丑試禮部念奚家貧賻金爲倡約同人集資歸其櫬餘者卹其家是科鼎璜大挑得教職歸至羅山遽以癩卒生平好作文喜誘掖後進從遊者多所成就卒後選鶴峯訓導子四嵩祝應麒皆福建候補縣丞應麟亦縣丞應昌從九俱分發江西

黃岡縣志

卷之十二

篤行

五

邱亨松積學未遇喜讀勸善書粒米隻字必惜之戒殺放生尤好施與至老益篤子豫彬恂恂一遵父訓道光己酉大水民多乏食每持錢票入市間見貧苦者輒暗擲一紙於地俟拾得乃去其陰行善事如此

程澍森庠生行誼純篤咸豐庚申由儒學申報好學篤行義士中丞胡文忠賞給古之良士額准其建坊

劉維祺字正常年甫逾冠妻故有子一遂不再娶喜施與嘗偕兄弟共立義學並造橋修渡諸善舉賀學使熙齡以敦行不怠額獎之

嚴惇仁原名有象號靜菴歲貢生性謙謹言笑不苟動遵禮法以義方訓其子長啟棠次啟柱皆以舉人官教諭孫用熙貢生用勳舉人現任四川廬山縣知縣用烈副榜松滋縣教諭

曾元林立咸以爲積德之報云

萬裕青號選亭邑庠生性純謹潛心理學務實踐事嗣父以孝聞授徒家塾絕意仕進咸豐四年粵逆對對沿鄉有鄰村某導賊搜括家貲殆盡及鄉團立多赴局究治或勸青首其事置不校某感悔私圖賠償卻不受其生平仁恕多類是壽八十四卒子邦華舉人

鄒雲龍字蘭臺監生議敘布政司經歷性敏爽工書法尤好善樂施遇邑中水旱災捐貲助賑每數百金凡逋租稱貸多不取償咸豐初粵匪陷鄂人心不靖雲龍招集鄉人曉以大義出穀千餘石並勸家庭戚友共捐穀千石散給里中貧戶地方遂安謐旋奉縣諭舉行團練捐軍需千餘金復命子姪帶勇隨郡守許廣藻勦賊並捐米數百石郡守嘉之

黃岡縣志

卷之十二

篤行

五

羅殿俊字傑夫輕財重義咸豐六年河南正陽大饑酒匠高某將鬻妻給金賙之夫婦獲全有游姓鬻女於殿俊家女之姑母謀贖之卽遣還不索原值嘗自正陽旋里過光山遇乞食二小兒詢悉一家老幼流離相繼物故僅存兄弟二人爲之惻然均收養之後送歸原籍平生善舉多類此子雲程廩生萬裕襄字琴樵歲貢生家貧力學尤勇於義里中有貧不能葬者襄出館穀一一代厝之鄉黨迄今常稱道焉

盧鴻熙字六于諸生事親孝終身愛慕如嬰兒父沒廬墓側甫數月賊至號泣不忍去家人諫曰殺身斬祀無益也強曳之匿近村伺賊去卽奔墓哭奠早夜追思肖像奉之如生前性方嚴敦行誼嘗置功過格以勸懲子弟與人處遇容止不恭衣冠不整必斥之見人有敗行輒諄諄誨導手著勸善書數



萬言里舊有溺女習乃捐囊資凡貧不能舉者給湯餅錢二千逾月勸貧戶取爲養媳全活甚眾因力不贍爰立藉援堂蓋取藉手援溺意募善士共捐以繼之居恆不事生產而又喜施濟家以是中落猶孳孳不倦同治壬戌公舉孝廉方正邑人以爲名實無愧云

徐佐文布政司理問銜生平多義舉嘗經修問津書院捐修鴨溝石橋會家河橋行人便之每歲暮見貧不能償逋者輒焚其券里中有牙角爭佐文必多方排解雖傾囊金不惜也至今鄉人猶稱道之

馬先甲先福異母兄弟也先甲甫歲週母劉卒繼母朱撫育之先甲事之孝與弟先福相友愛逾同母中年後嘗寢處一室有姜家大被風同治甲子之難閭里凋敝兄弟憫之出粟數

黃岡縣志

卷之十一

篤行

三

百石以賑巴河鎮因築堡濬濠塚骨纍纍置柩數百具瘞之他如修橋梁施藥餌皆樂行不倦先甲無子先福生子二長煥階庠生出繼甲次煥南貢生

李傑字俊亭家僅中貲而好施與里中有楊姓因饑鬻婦傑止之飲以三十金俾得偕老又有龍王二姓構訟傑捐四十金釋之其善行多類此

龍逢洙字積齋性謹厚樂於爲善玉帶橋圯洙捐貲補葺遇有貧乏者竭力飲助黃太守益杰撰幾輩效廉公謙約平生無得失毀譽十四言獎之可想見其概云

羅毓蘭字九畹光祿寺署正銜喜交文士嘗繼先志施藥餌歲寒每散米以給貧老無依者同治六年凡賊中逃出小兒均收養於家後皆資送回籍又捐立樂善堂濟人尤眾



年賊起國安慷慨集團毀家舒難安麻兩邑人士均倚重之  
越八年以勞勩卒子祖植諸生

張煥清字玉階家素封世重儒術煥清益折節讀書承先志喜  
推解咸豐間粵氛熾甚煥清捐重貲練勇從知縣葛致遠勦  
賊不避艱苦巡撫胡文忠廉得之獎以義士額

胡國恕監生性孝友四世同堂內外肅穆無閒言道光閒歲浣  
饑爲食於路以濟窮餓病者醫之死者殮之義聲遍閩里粵  
匪之難奉縣諭爲團首先後捐金數千李勇毅公聞其名聘  
襄軍務贈以聯云松樹精神梅樹骨蘭花氣味藕花心蓋嘉  
其老而益壯也未幾抱病歸卒年七十有一

羅應鵬邑諸生五世同居男女千指雍穆無閒與兄逢源相友  
愛咸豐寇難源練勇禦賊應鵬竭力捐資助餉無吝色巡撫

黃岡縣志

卷之十二

篤行

五

胡文忠高其義奏准給銀建坊

劉熊興字欣園少孤知嚮學至老彌篤授徒里黨閒嘗訓其子  
維楨曰吾家世讀書吾以目昏屢躓場屋汝須力學繼先志  
性慷慨戚友以緩急告者必周恤調護之及維楨貴尤以爲  
善爲最樂其著者如營建祖祠昭忠祠置備祭產義田義塾  
義局善堂社倉設三台河橋渡皆督令其子次第舉辦又於  
京師岡邑會館江夏勺庭高觀兩書院暨郡城河東書院賓  
興館卷價孤貧口糧以及赤壁黃鶴樓洪山塔廟三泉亭長  
亭諸名蹟各令其子捐貲助之而直晉兩省大荒先後捐賑  
尤鉅奉

旨旌表建坊平生工吟咏好遊覽翛然自得視富貴淡如也年七十  
祇一子維楨光緒六年秋俄夷不靖奉

旨防堵山海關依依不忍廢遠熊興勸以移孝作忠催促起程赴關  
後恆寄手諭以戰陣無勇非孝等語爲誡及病革猶以馳驅  
王事不令信知卒後李傅爵相輓以聯云教子以忠老眼望  
穿榆塞北與人爲善仙心歸傍竹樓西論者以爲無溢美焉  
以子維楨貴

封振威將軍

華佑禧監生少失怙恪遵母教規行矩步爲閭里重嘗有人袖  
金屬謀某陰地葬父佑禧正色曰陰地不如心地詭譎如此  
其能昌乎其人慙沮去生平嚴正多類此學師黃敦素以孝  
友端方額獎之

隱逸

蘇子云光黃間多異人往往狎狂污垢不可得而見今豈有異於古耶况貞元代嬪之時西薇東菊抗名節於當時扇清風於後葉實有不可泯沒者至於終南捷徑處士虛聲北山之靈將馳煙騰笑矣又可錄乎

周

江上丈人者楚人也楚平王以費無極之讒殺伍奢奢子員亡將奔吳至江上欲渡無舟而楚人購員甚急自恐不脫見丈人得渡因解所佩劍以與丈人曰此千金之劍也願獻之丈人不受曰楚國之法得伍員者爵執珪金千鎰吾尚不取何用劍為不受而別莫知其誰員至吳為相求丈人不得每食輒祭之曰名可得聞而不可得見者其為江上丈人乎

按江上丈

黃岡縣志

卷之十二

隱逸

七

人舊志不載武昌縣志謂蘆洲漁父寓高義於短歌一統志亦謂伍員所渡之蘆中即蘆洲在武昌縣西今查蘆洲實黃岡地故補列於隱逸之首

宋

王文甫博學篤行隱居不仕東坡來黃嘗因其弟子辨過從往來凡四歲及移臨汝有留別王文甫記

元

范愷字士元博學能文性恬約不肯仕進年九十餘終

吳應澍性樸實重義好施歲饑設食於路貧不能殮者助之棺置橋四十餘處并十九居民便焉湖廣平章事以聞詔徵不起賜書西山二字人稱西山先生祀鄉賢子琳明初官吏部尚書有傳

董敬中字仁輔一字建中成宗大德八年為參知政事明初隱

居團湖因以自號劉基屢爲薦辟躬往聘之竟不起有鏡心樓見古蹟

明

吳榮一洪武初棲中和石壁山博覽豪吟種蔬養鶴抗志不仕嘗荷鑣鬪藥以濟疾苦後有王瓚及思裕者俱以隱德聞

畢奇中好讀書家貧歲授生徒講課不輟儵然自遠聞達漢如也

樊志張原名維甫字山圖

府志字兩同

玉衡次子隨父戍雷陽二十

四年及玉衡歸卒志張慟幾殞遂不應試潛心易學著易象易數易適易占益王遣使再聘皆不就

陳鴻恩字大壑萬厯丁酉舉人累官貴陽知府所至有政聲後退居林泉手一編不輟以老

黃岡縣志

卷之十二

隱逸

三

洪周祿字半石天啟壬戌進士知常州府解綬歸里肆志詩文行草書妙絕一時急難好施鄉里德之年七十餘卒曾孫宗鏊諸生甘貧力學善書法

陳師泰字交甫性端方崇禎庚午舉人累官蘇州知府告歸隱居樂道好吟咏工書法家貧問字者餉以酒卽留客談論竟日年八十餘卒

韋克濟字孝忍崇禎丁丑進士授南安知縣以誠格巨猾邑人賴之丁艱歸遂隱武昌之賢庾鄉率諸子躬耕自給究心典籍與從弟克振爲詩文以自娛

袁希燮字子理文伯子年十五和李維楨黃鶯白鷺詩各十五章維楨大器之已而與三袁唱和又與喻羨長錢仲舉輩贈答於金陵遊跡幾半天下歸隱茅山之麓結茅曰遯園以著

作娛老子璜琮副榜詩文敏捷有稱

王一才字遠屆弱冠補諸生以文名爲詩皆泉石之音人或勸以用世輒唯唯然不屑也寄興花竹魚鶴時坐桐陰下擊節高歌而已著有後絕交論時人傳之

易爲鼎字用上有文在手曰汪因號汪來子蚤以文章氣節著明季壬午學使高世泰修三楚文獻錄鼎與汪三奇龍墳劉醕驥皆與焉築室白雲山投徒以老龍墳字夢先貢生官應城訓導江西文德翼雅似堂集云墳以文名海內者三十年蓋高士也其後無考

李之泌字鄴仙父雲築諸生以詩文名之泌窮性理發程朱之旨明季隱白雲劍峯下歲薦及徵聘皆不就爲人嚴正不妄交喜默坐有財輒分與故舊貧乏者卒之前二日猶與同學

黃岡縣志

卷之十二

隱逸

奎

論顏子四勿中庸西銘天人之意與才人何履仕齊名人稱何李子孝迪孝种皆敦篤力學种善詩及書法

依府志增叙

杜濬字于皇號茶村原名詔先崇禎己卯副榜父祝進舉人官國子助教精藻鑑有隱德濬負異才以詩文名家壬午不售遂絕意仕進游覽名山水才聲雄概驚豔江淮士大夫以不識其面爲恥乃益隱避甘心窮餓以守道義老於江南之雞鳴山右曰寓齋年七十七卒越十九年長沙陳鵬年知江甯府始葬其地桐城方苞爲墓表子世捷世農世濟遂家焉皆能以詩文繼其業

杜岑字蒼畧同兄濬居江南以吟咏自適雖饘粥不繼廓然不介胸臆桐城方苞與兄舟從受業焉岑年七十七卒苞爲之銘其墓

依府志增叙

王一翥字子雲號補菴太僕追皋子有異才以忠孝自矢貧窶好讀書文宗西漢詩本風騷一時名士無不知有王子雲者少以父廕當得官不就魏璫聞其至都下將招爲記室卽日棄僕從逃去庚午舉於鄉明年獻賊破三江口其妻樊氏死之詳列女傳一翥奔白雲山尋隱於匡廬之吳鄣嶺著書十餘年一夕爲賊竊去乃歸寓於巴口卒葬其地曰鳳山子封帶封洽當闖賊之變從父居廬山封帶以憂憤卒封洽後歸於黃

鄭光郢字爾忠弟光黃字爾孝前雲南知府鄭謙孫也少孤母甄守節教之皆孝友勵名節同補諸生及長隱居相與著述積卷甚多燬於兵然至老猶力學不怠光郢子宏博字古遺亦名諸生隱居自守時稱長者

黃岡縣志

卷之十一

隱逸

畜

官撫辰字凝之太常卿應震長子也少穎異博學工詩古文精天文兵法以選貢授桃源知縣上治河需兵議當事不能用丁母喪歸總督徐標舉爲眞保監軍又擢徐州知府皆不起及閩粵諸藩聘之撫辰慨然曰天道不可違也臣節不可變也遂祝髮於維揚名德昱又號知劍道人雲游名山古刹老歸黃居維摩堂卒葬其處

萬爾昌字師二少能文好賢尙節義崇禎丙子舉於鄉流寇亂母陶遇執爾昌泣護求代賊感其孝釋之徙武昌見楚藩亟言防城不如防江爲陳策不聽遂歸黃自是杜門絕口不言功業見樵夫漁子輒坐對終日無倦容嘗與兄里春築隄障湖禦賊湖環陂岡江夏三邑冬夏巨浸人東西避寇於是十餘年無患又做社倉春出秋入行之五年人稱便會大饑乃



悉付郡守王輔以賑一方全活甚眾遂安毛際可序其詩文集以爲大節在淵明間而詩亦得其遺意年八十四卒子爲恪爲懌別有傳

萬爾昇字退修少豪華爲諸生有聲年三十棄舉子業結茆居側顏其齋曰秋水岑兄弟師友一門之內雍如也往來者惟王一翥魏公韓數人耳置一榻負牆坐當肩牆凹至尺四十餘年未嘗至門內與家人接年七十四卒弟爾景字舒季篤學尚節義以諸生隱子燦別有傳

曹大濩字尙白諸生父之棟有傳大濩生而偉異莊言厲節不求仕進年八十餘清癯鶴髮士林重之善詩文工書法臨摹古帖甚富子本復字剛來詩與書法亦有稱

魏澤霖字鶴山家貧嗜學讀書於湖山之一葦菴厭舉子業怡

黃岡縣志

卷之十二

隱逸

奎

情山水少交游人多不識者從孫希聖亦能詩

杜士鶚字騫公諸生博極羣書研究經術寓蘄水北夕山授生徒三十餘年每因事導人於善年七十餘卒無嗣門人陳汝鱗王宏毅諸人葬之墓在路口建祠北夕山下置田以祀

王士龍字水簾工詩古文名籍甚以歲薦授潛江訓導及歸刈茅結廬遠近多請業者年八十餘卒同邑陳大章稱其逸才高節古之文獻爲序其集孫南朋舉人官知縣

萬年鼎字常銘諸生嗣母張苦節教之以孝聞閉戶力學不求仕進與李之泌鄭先慶易爲泰鄭宏博爲執友築室東弦路口村修講禮法動引古先一時仰爲模範年七十卒子初陽字甯周諸生

樊維師字尙父少負逸才詩文下筆立就宏光時由附貢任淮

安司李一時名士多與游後歸田結廬寒溪側吟咏以老  
汪國滌字漪公明諸生才敏贍以詩名晚隱並阜山麓號阜山  
樵人魏公韓稱爲雲霄之上有其人麋鹿之羣亦有其人  
張歧字鳳鳴本姓周幼失怙事母孝好讀書絕意科目隱居邑  
西之松樟湖體羸弱而健飯雅談橫經操觚至老不衰嘗自  
題壁聯云慾寡精神爽心清夢寐安又曰門外無大賓此心  
儼若室中有上帝一念懷然古所謂獨行君子此其流亞歟  
年八十八焚香端坐而逝揚用慎爲之銘稱曰萬松處士子  
澤舉人官蒙自知縣

嚴子靜字淑修廩生博涉經史窮探理蘊崇禎癸未聞獻賊陷  
省城歸聚鄉勇畫策防禦里得無恙後隱居武湖濱號學晦  
居士鄉人罕覩其面其婦翁萬一奇任開封推官數召之不

黃岡縣志

卷之十二

隱逸

奕

赴年八十餘卒子八半諸生孫世同雍正癸卯舉於鄉世勲

贈奉政大夫

國朝

胡來通字安吾明嘉靖時人年十二僧見之曰此人間百歲翁  
也性好施與楚撫魏光緒表其廬順治庚子壽百歲僉謀建  
坊來通力辭之忽一日沐浴更衣端坐卒孫琪珠能繼其志  
琪字石屋諸生好學汲古以詩名金聲譚元春雅重之爲序  
其集後散佚珠別有傳

楊鍾乾字健之父企虞家訓有法鍾乾性穎嗜學淹貫經史隱  
於邾城龍邱問論學不倦子允禎進士

周緡字元初性穎異博涉經籍遯跡山林無人知其學者里人  
惟見其輕財好施推爲長者子之美進士浦城知縣以經濟

稱

余師皋字迪甫諸生積學邃養多所著述明季流賊亂手錄無一存者乃隱居龍岡山中子世羽康熙癸卯舉人瑞安知縣有清白聲

錢材海字會川簡默端嚴讀書城山龍泉寺歷數十年罕與外接通易理兼工顏柳書法孫兆清諸生世其學

以上舊志

黃德三號岷堂諸生年七十事衰親如孩提時晚年蒔花種竹賦詩自娛號百花主人名其別墅曰怡園又別號怡園逸翁嚴承功號趣園家貧嗜學手輯十三經尤精於易年三十不遇遂絕意仕進以筆耕老妻沒不再娶性友愛日與弟承柏奉觴浮白不盡歡不罷嘗謂人曰天倫中有至樂奔走名利者何齷齪也卒年七十有八無子柏以其子庠生有侗嗣之

黃岡縣志

卷之十一

隱逸

李

丁傳道號省齋璜兄性簡易髫年卽馳譽文壇屢試不遇弱冠後棄舉子業隱居於龍泉山莊吟嘯自得門無雜賓進士李士燮師事之執弟子禮唯謹年八十知縣羅登瀛欽其品書洛社耆英贈之著有山莊詩集

殷材字國選家貧力學於羣經注疏類能記誦屢赴試不利棄制舉業日與牛童馬走歌吟躑躅性耿介無所求謁所居茅屋一椽井竈牀席外無餘物併日而食晏如也年七十餘卒無子詩稿散佚有林昏鬼瞰人句士林傳誦比之楓落吳江冷云

王元定字長卿家貧嗜學通經籍能文問字者盈門年四十不遇遂寄情山水忘懷得失以此自終子兆翔副貢生

方伎

周禮師保以六藝教國子大司徒以六藝興賢能神而明之伎也通乎道矣後世醫如扁鵲卜若君平書法鍾王畫傳顧陸雖無與於世道人心之大而挾伎以濟時隱身以利物蓋亦有足多者

元

葉如菴儒醫診視有方撰傷寒大易覽一編爲時所宗

明

宋鯨幼業儒未就遂精岐黃術診驗生死如神不責貲謝里人管大用病死將殯鯨過其門試治之復蘇類此全活者甚眾陶仲文初名典眞少喜方術嘗授符水訣於羅田萬玉山嘉靖中由黃梅縣吏爲遼東庫大使秩滿需次京師素與邵元節

黃岡縣志

卷之十二

方伎

六

善寓其宅時元節得幸年老宮中黑眚見治不效因薦仲文以符水噀劍絕妖十八年南巡元節病以仲文代有旋風繞駕仲文言主火是夕果火帝益異之於是授神霄保國宣教高士尋進封神霄保國宏烈宣教振法通正忠孝秉一真人明年以祈禱卻疾功授少保禮部尙書尋加少傅仍兼少保帝自二十年遭宮婢變居西內日求長生君臣不相接獨仲文得時見輒賜坐稱之爲師而不名以獲大同謀者王三功加少師仍兼少傅少保一人兼領三孤終明世惟仲文而已二十九年春災異頻見仲文言有冤獄得雨方解時都御史胡纘宗下獄株連數十人悉從輕典果得雨乃以平獄功封恭誠伯歲祿千二百石仲文得寵二十年位極人臣然小心慎密不敢恣肆郡中橋梁多所剗建行人利之卒年八十餘

賜葬祭加諡榮康惠肅隆慶初追奪秩諡詳明史

胡大順嘉靖中寓京師以巫術召子姑神見幸敕賜方外散人詩文奇詭一時傳誦見明史

馬蕃字松雲善繪事有夏珪馬遠劉松年筆意黃邑知繪事自蕃始然莫能重之貧困以歿

李藻字文甫能詩有氣節畫筆清遠得李營邱家法不治生產每得數千金立盡年七十餘尙好遊卒於河南息縣葬其地常自題畫云一幅輞川無着處夜深猶自月中看人多傳之宋子京學舉子業不售去而爲醫望人輒知其病有巡道不能食或以子京進子京曰且無往當先觀之於是何其出從輿上觀之乃敝衣冠垢汗而進巡道怒次日病愈詰其故曰昨日垢敗乃醫公者也公平生常得喜病一怒而喜消便能食

黃岡縣志

卷之十一

方伎

奕

又見昇棺者血出口此可生也問之則婦以難婉死呼其夫開棺針之婉一男母子俱全視郡守脈謂十年後當領西南節鉞然必墜下頰至期撫蜀果病邀子京至將下拜以手掖撫軍起而下頰已上矣

甘霖字時望少嗜河洛奇門禽星之學歷滇粵窮塞上屢遇奇人授以太乙六壬皇極範圍周易大定諸數後謁武當宿紫霄宮又得南無礙師元養接命之祕形家之術常聘贊幕府平播會平島夷屢犯虎口卒獲全雲間陳繼儒謂霖忠孝填胸精神滿腹功成不受爵長揖歸田廬關中張儀仲刻其所著五種祕竅全書謂根抵儒理非楊曾廖賴所能頡頏云

國朝

朱心安明季避亂揚州求卜遇異人曰子以吾術終可得中富

然當病一足心安師之五年盡得其祕歸以善卜名占驗奇  
中終身一如異人言

胡延大字德孚性孝有文名其父教之醫名溢三楚活人無算  
隨遇施濟不責貲謝人稱長者年九十二卒子有謙應周俱  
諸生

袁黃琮字三山有文學尤精於畫常畫觀音像安國寺僧戒顯  
視之曰筆已通神可留寺中供養然不久存人世也未幾禪  
堂火眾見畫像衝烟而去其徒汪樂正亦能詩畫得其祕邑  
中以畫名者又有余昇王以璋李中柱昇字羲馭以璋字形  
佩中柱字天擎

陳繼謨字五彝學問博洽屢試不遇遂業醫治病多奇效名聞  
於京師由太醫院薦舉授八品吏目六年以親老告歸性孝

黃岡縣志

卷之十一

方伎

七

友行橐甚豐歸卽盡散諸兄生平著述甚多值所居濱河水  
漲壞其居僅存陳氏醫案一書業岐黃者皆奉爲準繩焉

索震字獻子工隸書善寫墨竹風致瀟灑鐫石法文三橋其外  
孫徐元士字素臣傳其法亦稱能品又有王如琮字寶臣諸  
生有詩名詳考六書篆刻蒼秀

易時澤字汝悅父爲泰有傳時澤邑諸生同從弟時範學醫於  
隱士李之泌皆精其術時稱二易初之泌受醫法於江南劉  
震生著庸皋醫學寶露又授方洛呂君調洛字東卜君調字  
戒平著醫方人華集其子大呂著傷寒心要識者以爲正宗  
後二易旣老黃念貽何子康歐斯萬許承生以良醫名皆之  
泌門人也故黃岡醫學獨稱師授過於他邑

胥秉哲字匡生性穎異博通書史家世業醫嘗游吳會燕豫間

遇沈疴投劑卽痊有某妻孕而疾延診脈曰倏隱倏見尺中有神非癥非痞結爲狐形以藥投之果產異物中丞夫人病革已就木秉哲至觀其色以爲可活乃藥於木中須臾聞聲息竟獲再生其神效多類此後徙居江夏

方可發字適成貢生能詩善繪事以畫梅著名得揚補之梅沙彌不傳之祕曾寫老梅一株勒石於赤壁坡仙亭與東坡老梅並美惜墨本世不多見寸縑尺幅人爭購之

易洪周原名德溥博涉羣書精岐黃術雍正七年授禮部額外主事年七十一卒於官

謝仁淑字玉亭惠孫如錦子生性肫摯初攻舉子業試不利改業醫熟精本草綱目句櫛字梳其術實能生死肉骨數百里外有相延者弟仁溢工篆刻兼善丹青子從本方朱分授內

黃岡縣志

卷之十一

方伎

三

外科皆爲名醫

曹昌曉字耀勳本榮嫡孫家多藏書好涉獵務博覽不樂仕進喜作擘窠大字真書草草均學董文敏鄉人有珍藏者

謝殷字懷仁年十六補弟子員明季薦饑傾家賑貸避土寇亂由庶安鄉遷城中母病禱龍王山而愈曰是不可恃爲人子當知醫因殫心靈樞素問及諸家書奇方異驗所活無算府縣官皆加禮敬邑嘗大疫人患頭腫足腿殷出二千金市藥爲丸救之名益盛有所獲悉以施藥物諸生澄廩生醅其曾孫也

汪士璠一名士瑤諸生工書畫畫授自沈縣尉然不多作書參趙董而骨格超逸性善飲醉筆益佳

賀澤璜字美玉以母老疾棄儒業伏誦內經素問等書遂精醫

理蘄邑熊某患病醫皆謝不治夢老叟言得白石礫當愈有知賀者令其訪延果得痊白石礫蓋賀之里名也

童瑾字建三學米元章書嗣遇異人授以醫方脈訣習十年乃敢視病嘗有人伏中患寒疾服三縕袍不汗瑾診其脈曰且褫其一少頃又褫須臾且盡問寒否病者曰不寒矣一藥而愈

嚴文鼇幼穎悟師事胡大廷精岐黃術從兄患血蠱飲啖如故鼇曰危甚三日不起後果然又鄉人患傷寒死半日矣鼇曰服藥卽愈治之果驗卒年七十三子承冠亦善醫

高序奎庶安鄉人善風角星象占卜多奇中不取值常手周易一卷眉評縫註皆徧書凡數十更嘗於居室側作小渠僅容斗水人問之曰偶作劇耳數日鄰舍火而奎居如故又嘗突

黃岡縣志

卷之十二

方伎

三

入鄰家促卧人起梁傾直碎其牀居恆室內几席多參差置之作奇門式盜不得入晚年遁去不知所終

姚希伯通文藝晚得叔父吉玉枕祕葬經所談多奇驗年七十卒子本沔傳父書

程之驥字仲超性沈靜精於醫養生得運氣法調息月餘能於暗室中視物如晝卒之日沐浴端坐若前知然子啟厚孫豐邱皆以醫世其業時有樊明睿吳世達亦以醫名

張利川號星槎國子生少秉異資知縣葉世度奇之贈以勵志詩屢困場屋遂棄舉子業留心圖史旁及雜流善草書得米南宮筆意尤精卜筮占驗多奇中晚愛遊覽常客吳下求書者全集年九十餘歸老於家

涂必魁武生常從軍有功不受賞以疾歸習形家言郡城中培



龍改水修塔濬濠諸議魁爲倡之惜功未竟而沒

涂治屺字已山諸生工書法自成一家人同時有李濤者自號青虬道人善丹青有馬夏遺意涂書李畫一時並稱

汪垂裕幼攻制舉業屢試不利遂絕意進取博覽羣籍於醫卜星象堪輿之書無不畢覽尤精天文凡七政躔次九州分野皆瞭如指掌晴雨水旱問之輒驗喜作詩有晚唐風韻惜多散失

馬天寵字師中諸生性質直嗜酒工書法得顏魯公真髓乞書者研墨與酒並置几案間揮灑立就

陶宜炳字星浦監生豪邁不樂進取熟於史鑑日以臨池爲樂

小楷摹晉人愛學懷素草書別有風致子致孝舉人官知縣蕭麟長字華亭業儒不售去而學醫博綜岐黃家言疾者盈門

黃岡縣志

卷之十二

方伎

三

投以藥無不效著有內經知要子鳳翥監生曾孫向榮皆世其業鳳翥著有傷寒綱領向榮著有先正格言參訂

李之蘭號玉階郡增生本姓趙家貧勵學善書摩王夢樓筆酷肖戶外索書者屢恒滿同里馬光烈字斌生邑諸生性敏慧字摩顏柳尤工擘窠書兼通六書說文善繪山水花卉書名與之蘭埒之蘭子鳳藻光烈姪錫蕃俱庠生

謝漢宗號醴泉精六書之學尤善繪畫力倣倪雲林黃子久王石谷諸大家筆意道光二十八年知縣俞昌烈纂修縣志凡郡城鎮市各圖皆出其手子庭書拔貢生官州判孫蔭華郡庠生又有王燕賓字穆門博學能詩書法板橋中年以繪事自娛遍遊山水酒酣耳熱潑墨淋漓無不畢肖

徐習功號敬夫喜讀書明易理旁通風角壬遁諸術語人禍福

有先幾之哲時粵賊竄黃知縣翁汝瀛葛致遠先後練勇勦賊聞習功名聘襄軍務出奇謀占勝負多奇中人驚爲神歐陽攀桂字蕙田精醫術診驗如神不索謝雖饗餼不繼處之晏如且通音律善譜赤壁二賦交遊者多知名士鮑侍郎桂星督學黃州聞其名常招之遊嘉慶閒舉醫學正科又有張朗軒鄭亦錠皆以善醫稱

洪植楊字豫高少習內經素問諸書治疾有奇驗一人大笑脫頰口張不可合來求治植楊乃置食於案令病者以頰承之自後持斧擊案案動頰合病頓瘳其精思多類此家素康製藥不惜重貲貧富一例施治無所受值人咸德之

流寓

邾子遷黃是為寓公時代湮遙其軼事不可考已以余所聞韓稚圭陳季常龍麟洲輩先後來此邦人士猶嘖嘖道之蘇子瞻云黃人尊德樂道異於他邦子瞻居黃最久豈無所見而云然哉流客騷人鴻泥託跡有以夫

漢

周仁周平王次子汝墳侯烈十八世孫至西漢居黃岡繼烈封侯

梁

周靈起仁之後其先以避西晉亂去黃岡至靈起仕梁為桂州刺史復歸黃岡

黃岡縣志

卷之十二

流寓

七

按唐宰相表周仁當漢時封汝墳侯後徙安成傳五世至決曹椽燕燕九世孫防防十三世孫靈起其先世避西晉之亂徙居永安黃岡是徙自晉世者當為防之後人周仁封侯地則汝墳時則漢代並無徙居黃岡事諸志似失考存以傳疑

宋

韓琦字稚圭相州安陽人兄琚天聖間守黃州琦從之讀書安國寺白晝青燈風雨無怠後登進士仁宗時入相封魏國公諡忠獻黃人想其德望為立祠於讀書處

蘇軾字子瞻眉山人嘉祐二年進士元豐二年知湖州言事者撫其謝表及諸詩語為訕謗謫黃州團練副使本州安置寓居定惠院遷臨皋亭故人馬正卿為請於守與故營地軾築雪堂以居自號東坡居士與潘大臨陳慥王文甫游時策杖往來江上泛舟赤壁游西山寒谿後先題咏甚富將買田沙湖老焉尋以量移汝州去累官至兵部尚書後謫海南放歸

至常州卒贈崇政殿大學士加贈太師諡文忠

秦觀字少游高郵人元祐中爲祕書省正字工樂府與蘇子瞻相友善紹聖初坐黨籍出判杭州尋以御史劉拯誣其增損

實錄削秩編管黃州

府志流寓

張耒字文潛淮陰人弱冠第進士累官起居舍人紹聖初知潤州坐黨籍謫監黃州酒稅徙復州徽宗立起通判黃州後知潁州復坐黨落職初在潁聞蘇軾訃爲舉哀行服言者論其罪貶房州別駕安置於黃凡三至黃五年得自便居陳州耒有雄才論文以理爲主士人就學者眾日載酒殺飲食之晚益貧郡守欲爲買公田謝不敢乃監南嶽廟主管崇福宮卒建炎初贈集英殿修撰

陳過庭字賓王山陰人宣和間爲御史中丞時方臘陷諸州過

黃岡縣志

卷之十二

流寓

美

庭上言致寇者蔡京養寇者王黼又言朱勔父子本刑餘小人竊取名器罪惡盈積宜昭正典刑以謝天下三人憾之陷以罪謫海州團練副使黃州安置

陳慥字季常蜀人扶風守希亮之子少豪俠晚隱居黃岡號龍邱居士嗜讀書以溪山自娛人見其所著帽方屋而高因謂之方山子蘇子瞻謫黃往來唱和爲作方山子傳子瞻去黃送者皆止礧湖惟慥至九江後講學於雪堂孫去非以詩爲高宗所賞官至執政

元

龍仁夫字觀復廬陵人文學與同郡劉詵齊名而奇逸流麗過之所著周易多發前儒所未發用薦署爲江淞儒學副提舉不就見元史明志至正間徙黃州明五經嘗講學孔子山下

爲時矜式學者稱麟洲先生

蔣彥忠南昌人勸課蘄黃元末兵起隱居邑之庶安鄉講學授徒因家焉

明

劉簡字孔章號東園江西臨川人明初守黃州有惠政士民德之成祖靖難兵起遂稱疾棄官寓居赤壁下旋徙東苕鄉遂家焉服官十餘載清介自持惟留書數篋而已人稱所居爲留書灣

陳世昌江西舉人官武昌同知有治聲民愛戀之遂家於黃廷瓚仕愨卽其子孫也

周浩字季深四川人正統間官黃州同知視民如子遷石阡知府致仕附籍黃岡孫瓚舉人爲偃師知縣

黃岡縣志

卷之十一

流寓

七

程豪字子德蘇州人習儒術商於邑歲饑有積粟盡輸之以給饑人知縣旌之兄表字子儀亦有文行督學高世泰爲立兩儒賈傳

蔣埏貴州昌邑人明諸生天啟時避難僑寓陽邏以經義教授生徒多所成就卒葬大乘山饒英寺側里人欽其品誼刊石爲銘稱蔣公墓

國朝

補帽匠不知何許人無家室居止嘗擔補帽具書數卷琴一襍被一小鐺一往來團風間以所得值市米取小鐺飯之或煎茶爲飲暇則隨其所至澄潭激澗斷岸層巒長松之下或讀書或彈琴歌咏或坐臥數日不去問其姓名漫曰姓何字白雲後卒於蘄州

李之華岳州人順治初游黃爲農家傭繫耒於頸曳而耕農家惡其無能數叱之旣而曰吾不能制牛也嚮者嘗教人矣或試以文輒就中和鄉陶叟一佐與語大悅延之歸使子克壯正發克家受學焉後皆以文行顯之華無子旣沒一佐爲營葬於居室之東並設主世祀之

梅士棟字敬亭宣城人僑於黃性清潔厭豪華每至村市無絃誦聲卽迂途避之曰俗塵汙人也能詩善書尤精繪事晚寓上巴河南梨花院名士多與之游得其筆意者唯訓導馬正塾

冷絃玉號芝巖山東膠州進士官安陸同知緣事罷主講河東書院凡十餘年引掖後進多所成就後有張錦珩字如亭黃安人已未進士官南安知府歸亦主講河東書院爲文專尙

黃岡縣志

卷之十一

流寓

庚

清真士林傳頌謂之珩璜比玉云

朱澤楠字小酉別號鴻洲居士廣濟縣人咸豐壬子科舉人道光初歲游饑來游於邑東之漁博橋時年未及冠布經歷范斌家素封能鑒別人物一見卽奇其才合與兒輩同受學於歲貢生朱兆槐膏火之費皆仰給於范久之遂挈眷居焉平生善篆隸工詩尤致力於古文瓣香六一紆徐頓宕令人往復不厭同治五年以大挑二等權武昌學教授卒於官著有  
小酉詩古文鈔